

東  
華  
續  
錄

臣朱壽朋敬編

臣張毓英恭校

光緒十年甲申春正月丙子朔元旦節寅刻詣 奉先殿行禮

和殿受賀已刻詣 大高殿 壽皇殿行禮○已明以孫毓汶兼署刑部尙書許應騷兼署兵部左侍郎

○左宗棠奏承准軍機大臣字寄光緒九年六月初八日奉 上諭翰林院侍讀郎彥彬奏江浙災荒客

民與土民仇怨日深請飭力求清釐之法一摺等因欽此當經恭錄轉行欽遵查辦去後茲據各屬先後

稟覆又經批司彙辦在案茲據江甯布政使梁肇燁蘇州布政使譚鈞培會查得江甯府屬上元江甯溧

水六合等縣自遭粵逆窺陷被兵十餘載蹂躪殆遍村落成墟肅清後一片荒土農民存者無幾不得不

招募客佃開墾曾於同治八年詳議招墾章程詳奉奏明遵辦歷久均屬相安內溧水縣上年冬間雖有

楚民鼎舉荒田與土民爭控業經訊明押令回籍其徐州府屬銅山沛縣二縣湖淤國地從前東省災民

攜眷來徐領種水澗湖田按年完租充餉現已漸成土著並無強作情事此外淮揚等屬現在查無外省

客民住境墾荒至蘇松等屬除全熟之華亭奉賢上海寶山崇明南匯川沙靖江等八屬縣田地並無拋

荒長洲元和吳縣常熟昭文吳江震澤太湖婁縣青浦太倉嘉定金山陽湖無錫宜興荆溪丹陽金壇溧  
陽鎮洋十一縣開墾客民大都江浙及江北人居多承租有年久已編入戶口細冊專心農務亦無強作  
爭執之事惟常州府屬之武進縣先因楚民初到開墾其時本地人少耕作及至楚民漸多聲勢漸橫每  
屆收租類多抗欠甚有收穫後飽載遠颺遂使業戶賠累錢漕以致土客相爭現經該處紳士另行妥議  
禁約章程稟請參酌核辦以期益臻周妥等情轉詳請奏前來臣等覆核無異仍飭現有客民墾荒各屬  
隨時認真稽查設遇土客爭訟務須持平定斷毋任忿爭滋事報聞○庚辰諭倪文蔚奏廣西臬司國英  
自兼理藩司業務頗形竭蹶入秋以來精神恍惚公事耽延時復外謬等語調任浙江按察使國英著開  
缺來京另候簡用○辛巳以孫毓汶為浙江按察使○甲申 上詣 太廟行禮○乙酉 上御紫光閣  
賜廷臣筵宴○時享 太廟遣陸懋泰代行禮○諭給事中鄭溥元奏參編修尹琳基貪鄙苛刻縱酒滋  
事各節一摺著翰林院掌院學士查明據實覆奏○諭給事中鄭溥元奏近科磨勘試卷未盡允協請飭  
議章程等語科場磨勘功令綦嚴自應秉公辦理嗣後派出磨勘各員於應簽不應簽之處務當悉心酌  
核不得稍涉偏徇如有挾嫌報復情弊著撥勘大臣據實參奏以昭公允○丁亥諭左宗棠奏假期屆滿

病尚未痊仍懇開缺一摺左宗棠實力驅圻勞勩懋著朝廷深資倚任屢次陳請開缺均經賞假調理茲復迭據奏稱目疾增劇氣血漸衰非靜心調攝斷難見效情詞懇摯不得不勉如所請左宗棠著准其開缺賞假四箇月回籍安心調理兩江總督著裕祿署理兼署辦理通商事務大臣左宗棠著俟裕祿到任後再行交卸起程安徽巡撫著盧士杰暫行護理○戊子諭軍機大臣等徐延旭奏布置北甯各路防軍嚴加扼守各摺片覽奏均悉北甯各路要隘經徐延旭飭黃桂蘭等分別布置該撫務當督飭各營備禦完固毋稍疏虞岑毓英計早到防兵力較厚卽著會商徐延旭分飭滇粵各軍疏通道路迅速進兵以期互相援應彼此族狡謀叵測時時窺伺北甯尤宜穩慎扼紮毋爲所乘並激勵劉永福一軍趕緊整頓規復山西至方長華一軍著張樹聲催令迅卽到防欽州一帶路僻難行據奏請飭廣東官軍由欽靈進攻海陽是否可行仍著張樹聲酌度辦理將此由五百里各密諭知之○己丑諭軍機大臣等岑毓英奏請再撥云貴士得十三營十七營鎗自來火子二百萬顆士乃得鎗自來火子一百萬顆迅速購解濟用其銀由蘇滬應解項餉扣抵○庚寅 上詣 大高殿 壽皇殿行禮升保和殿賜蒙古王公筵宴○祭 社稷壇遵本格格恭代行禮○辛卯 諭軍機大臣等岑毓英徐延旭先後奏陳調撥輪船由水路進擊現在廣東福建防務喫緊且無大號得力兵輪無可徵調前據徐延旭奏請飭廣東由欽靈進規海陽仍著

張樹聲遵照前旨酌度辦理等會奏酌度方長華一軍已由南甯迅赴關外礙難由欽廉前進報聞○頒給江蘇青浦縣城隍廟匾額○壬辰諭前據都察院奏江蘇職員王爾珏等以江陰縣勒充甲長呈請禁革並結附八條干預地方清務等情當降旨令江蘇巡撫訊明具奏茲據衛榮光奏江陰縣僅納錢漕並不責令甲長經管亦無勒充甲長責令賠墊情事王爾珏京控各節及所陳八條現均委調明確或得自傳聞或查無實據該職員跡近要挾審明定擬等語此案職員王爾珏京控各節雖非假公濟私惟事不干己輒私藉條款請優給書差令該縣設法彌縫錢漕跡近要挾實屬荒謬王爾珏著革去連同銜教習舉人以示懲儆嗣後江陰縣徵收錢漕即將甲長名目永遠禁革飭令該員勒令遵守並勸辦義園將錢漕立限清完毋許差保人等催迫並嚴禁藉端苛派以免擾累而杜流弊餘著照所議辦理○李鴻章奏中法相持迄無定局越南山西之戰滇軍與劉永福所部憑城固守殺傷相當卒致退舍非鏖戰之力實器械之未精西人製造後膛鎗礮日新月異其速率之猛準頭之遠幾於無堅不摧天地肅殺之氣與人世機巧之心相奪無已而彼得以其時出奇制勝我仍因陋就簡狃於制梃撻兵之常談而不思變計得失利鈍之懸殊不待煩言而決矣臣查領北洋無日不以選械請戎爲事每與西將及出使諸臣周諮博訪一名一物必參攷衆說而切究之稍有歲月竊識端倪蓋簡器於數萬里重洋之外非熟悉其

名目之新舊機括之堅窳則所得皆他人唾餘徒糜費而無濟於實用近年購置新式後膛鎗礮皆令駐德大臣李鳳苞及德商斯米德訂造頗能精堅適用天津淮練各營均一律更換仿照西法操練步兵以準精益求精而滇粵閩浙防軍既少命中致遠之器即如何操法如何用法似亦未甚講求去冬因桂軍器械缺乏曾由臣營勻撥後膛鎗礮運往粵東以資關外應用惟沿途沿海處處設防斷非北洋一隅之力所能長此以濟總理衙門與臣兩商以爲多增無益之事不如多置有用之器屬與洋商定期訂購以備滇粵閩浙等省要需所需價值即於出使經費項下暫行挪付將來何處需用鎗礮即由何處按價撥還誠爲通變權宜之至○臣即督飭軍械委員與斯米德酌訂合同分投德美奧各廠定購克鹿卜後膛過山鋼礮一百二尊哈乞開司六響後膛快鎗五千桿毛瑟後膛步鎗五千桿應配子彈佩帶架具等件俱全分別限期運解來津約共價銀四十餘萬兩隨飭江海關道於出使經費項下分起借付查過山礮於南方行戰最宜哈乞開司毛瑟等鎗爲德美各國著名精器俟購運將到臣即咨商滇粵閩浙各督撫臣先定分撥之數並令按照原價辦款領器以清借項仍俟還款有著再行訂購則要款既不至虛懸而利器亦陸續增備洵屬一舉兩得惟後膛鎗礮機件靈巧操法尤極精詳各省得此有用之器果能嚴督將士細心練習於以折衝制勝庶幾稍有把握耳得 旨該衙門知道○癸巳 諭軍機大臣等方長華

一軍可否由欽靈一帶前進營彭玉麟張樹聲酌地勢催令迅速到防毋得遲延○諭內閣學士周德潤奏勳臣不宜引退請旨責以大義令其在任調理等語左宗棠勳勞懋著朝廷倚任方殷當此時局艱難尤賴二三勳臣之臣竭誠幹濟豈肯任其功成身退速賦歸田祇因該大學士目疾增劇而兩江地大物博政務殷繁又難靜心調攝是以降旨准開總督之缺仍賞假四個月回籍原欲其安心調理俾早日蒞痊出膺重寄該大學士素著公忠諱不至稍就安逸著飭趕緊調治一俟稍愈不必拘定日期即日銷假以副委任○諭給事中鄧承修奏給事中鄭溥元參奏編修尹琳基賈圖苛刻縱酒滋事等情挾私逞忿撫拾揣摩惑開攻訐之漸等語著都察院堂官按照例承修所奏各節查明具奏○甲午 上幸西廡子園煙火○岑毓英奏臣於光緒九年十一月二十五日曾將帶兵出省日期恭摺奏報拜摺後即行起程於十二月初一日行次通海縣接准臣炯咨會知越南山西省城已於十一月十七夜失守一切情形業經兩次奏明在案臣毓英聞警之下當即兼程前進於十二月初九日在蒙自縣途次承准軍機大臣密寄十一月十六日奉 上諭倪文蔚奏近日邊情並前敵各軍籌備情形徐延旭奏遵 旨出關日期現飭分別進規嚴防各一摺覽奏均悉法人於山西之丹鳳北寧之喜林設險嚴備情形與從前不同在防官兵必須穩慎進剿嚴密布置不可稍形輕忽著岑毓英倪文蔚徐延旭唐炯督飭各營妥籌調度

劉永福添募勇營漸次到齊惟係新集之軍能否得力越南義兵恐不可恃法人此番極意經營若任其侵佔則邊事益棘所關於大局者甚重務當飭令劉永福等妥慎進取盡力抵禦勿稍退縮河內設守已屢猝難攻拔應如何避堅攻瑕誘敵制勝並宜相機妥籌徐延旭現已出關岑毓英接奉前旨諒已部署起程當此事機緊要該督撫尤宜和衷共濟隨時悉心會商妥籌方略以副委任斷不可稍有意見致誤機宜將此由六百里各密諭知之欽此仰見 聖主明見萬里政服莫名伏查山西地當衝要廣出米糧屯兵此地可以聯絡北甯粵軍相機進取惟山西城垣近江邊輪船礮彈可及城中防守頗不容易且所以急欲親往駐紮保此要區乃於十一月十九日奉 旨允准該處城池已先於是月十七日失守實屬變生意外此城既失越事愈加棘手法人可由興化宣光分道犯滇且興化城緊在江邊形勢較山西尤爲難守宣光無兵駐守更屬堪虞必須而而兼顧而由蒙自至興化陸路一千六百餘里由開化至宣光陸路一千二百餘里卽由蠻耗至保勝亦有四百餘里皆偏僻小道路崎嶇沿途人煙稀少猛獸甚多軍士裹帶行糧披荆斬棘跋涉維艱自蠻耗至保勝雖水路可通僅有小船二三十隻可裝兵三四百人往返一次必需十數日若由保勝水路至興化往返必需三十餘日欲速不能焦灼萬分再三籌畫只有一水陸並進爰派記名提督吳永安統帶三營馳往開化督同前派分道出關之副將陳安邦等三營共



合大營由河陽馳赴宣光擇要駐防其餘總兵馬桂雷應山等各營山蒙自陸續進發臣帶親兵小隊駕輕舟先行前進於十二月十一日馳抵保勝與臣炯面商分布意見相同現據記名總兵丁槐參將張永清等稟報已於興化城外扼紮防堵主事唐景崧所帶勇勇兩營自山西退至興化已於十二月初四日繞道撤回北甯南將劉永福仍紮興化惟大礮全行失落各項小鎗亦多遺失興化上游之清波夏和等縣教民紛紛變亂文報渺至阻塞臣等現切屬總兵丁槐等多方預備嚴密防守又派知縣李豔枝等二營往清波夏和駐紮安民並分給劉永福快鎗子藥俾資整頓令其嚴束所部恪遵紀律又行文南官革除苛政收拾民心俟總兵馬桂等各營到時臣毓英即親往興化一帶查勘布置一有疏緒即由興化旁出宣光督飭提督吳永安等相機前進並與廣西撫臣徐延旭聯絡會商和衷其濟仰副 聖諭諄諄誥誡之至意其保勝興化一路前軍與劉團共事須得兩軍信服之員駐紮調和臣炯擬將臣毓英胞弟二品頂戴分省補用道岑毓寶調來協同照料聞此番法人糾數國之兵以全力經營又加越南各處從教匪黨已有一萬數千人船多礮利勢頗猖獗滇軍既無輪船又少大礮戰運更難必須廣東福建水師有兵輪船攻擊越南海防以分賊勢廣西雲南兩省增兵添餉協力合作水戰陸戰各盡其長方可迅圖恢復而廣東福建各有應守海口不識兵輪能否分撥臣等不敢妄擬應如何辦理出自 聖裁臣炯前奉

旨著回省籌辦備用並將吏治廢務各事宜實力經理等因欽此已奏明俟臣毓英到保勝督商妥協再行回省茲定於本月十四日起程回省俟到省即將應辦各事分別籌辦合併陳明 上諭岑毓英已抵保勝亟應親往興化一帶查勘布置邊外各軍必當有所統攝以一事權所有徐延旭統帶各營及調防諸軍均著歸岑毓英節制調度徐延旭仍當和衷商辦不得稍存意見致誤戎機○乙未以曾國荃署理兩江總督兼通商事務大臣裕祿著毋庸署理○鹿傳霖奏農田必資水利而河渠貴乎深通豫省濱臨黃河地勢平衍衛淇沁漳襟帶乎西北淮汝潁潁交匯於東南其他別派支流雖於悉舉如果一律疏通加以溝渠引灌農田大可受益何至如光緒三年荒旱幾於補救無術哉伏查乾隆二十七年河南撫臣胡家瑑奏開豫省溝渠奉 旨嘉獎並飭直隸仿而行之足徵當日籌畫周詳民生利賴今豫省河道半皆淤淺壅滯渠溝田地間有存者亦多荒廢偶遇一二處官吏留心地方督民疏濬與原近山河間種稻田者溝渠尚通均獲其益臣抵任時正值久雨傷稼心竊憂之思借人力以補 天災反撥推求稽古證今而知河道溝渠之利民實為當務之急因選派委員分赴各州縣會同地方官周歷履勘博諮紳耆妥為籌畫何處河道宜疏溝渠宜濬有無舊址可尋推源溯流詳細繪圖貼說稟 核奪如或界連鄰省查明後一面咨商各督撫一面派員會辦有可以借資民力者官為勸勸之有須濟其不足者官為津貼之

總期一律妥辦志在必成使民間皆曉然於有利農田自能踴躍用命但事體煩重頭緒紛歧隨時督飭印委各員實心經理不敢畏難少懈並於履勘之便就以清查荒田可以一舉兩得查豫省荒田有沙壓河佔者有戶口流亡者而熟仍報荒則官民實分其弊或業經涸復悉成膏腴鄉愚意圖瞞糧未盡實報弊在民或早已復業仍舊納賦因前曾報荒遂私收肥己弊在官此次令其實查實報無論官民不准稍有隱匿但積弊已深非寓覓於嚴斷難得其實際合無仰懇 天恩不究既往容臣嚴飭據實呈報照例升科使前隱者無畏罪之心首報者獲自新之路於 國課當有裨益其實究有若干一體查明分別情形實力招墾以期野無曠土糧不虛懸待 旨如所請行○內中李鴻章奏准兵部咨輪船支款章程有未經奏明者應令奏明核銷等因當經轉行遵照茲據海防支應局司道詳稱光緒元年至六年北洋海防經費報銷案內開支輪船薪糧公費係龍驤虎威飛雲策電鎮北鎮南鎮東鎮西蚊礮船八號及水雷小艇一號其龍虎霆電四船業於光緒六年二月撥赴南洋調遣該四船薪糧公費自四年三月起由南洋支發光緒七年以後先後購到超勇揚威快礮船兩號鎮中鎮邊蚊礮船兩號並由閩廠咨調來津修改練船之威遠康濟兵輪船兩號調赴朝鮮旅順等處差遣轉運之海鏡商輪船一號及在滬製造之快馬小輪船一號在津製造之利順小輪船一號守衛下街所用之駁輪包銅小輪船兩號均歸北

洋海防經費項下開支內鎮中鎮邊兩船先由北洋墊給俟山東撥解歸還此陸續購調各船之數目也  
事屬創辦應需薪糧公費均爲向例所無必須再三參考酌定是以先未詳奏惟光緒六年以前各船支  
數業於七年三月間分晰造報總理衙門戶部有案近又遵照新章月造分銷清冊詳請咨部至調赴南  
洋龍虎港電四船既於六年三月以後歸南洋支發其支款有無變通應由南洋核辦外合將北洋現有  
各輪船支款章程詳細開單呈請奏咨等情具詳前來臣查北洋創設水師購置蚊礮快礮水雷船艇均  
爲向來所未有一切支款並無例章可循即威遠兵輪閩廠雖有支款數目而既調津改作練船又與兵  
輪有異必須因事制宜亦不能盡照閩廠支發凡各船到津後皆由臣察看船隻之大小噸載之輕重機  
器礮位桅帆器械之繁簡酌擬人數餉數又以造端不易復與統領水師及教習洋員再三參酌分別損  
益務使利器可得實用經費不致浮糜現定各船支款章程雖規模未臻完備然皆裨事授精力求核實  
撙節嗣後如有變通增減之處再隨時酌核妥辦並咨部立案報聞○已亥諭開復按察使陳湜著發往  
江南交曾國荃差遣委用○加賞通州王恕國等處粥廠粟米一千石○辛丑以畢道達爲禮部侍郎○  
癸卯諭前據給事中鄧溥元參奏編修尹琳基貪鄙苛刻縱酒滋事各節嗣經給事中鄧承修奏參鄧溥  
元挾私逞忿等情先後降旨令翰林院掌院學士都察院堂官分別查奏茲據奏稱尹琳基被參各款雖

無實據惟其人性情粗慢細行不矜致招物議都察院奏鄭溥元參奏尹琳基一疏任意吹求迹涉私嫌請有懲處各等語尹琳基鄭溥元名列清班宜如何束身寡欲清白無私乃種種謬妄實屬不能稱職尹琳基鄭溥元均著休致○甲辰諭軍機大臣等吳大澂奏滇桂邊防緊要請准率所部前往廣西會同籌辦一摺該京卿所部各營原擬駐紮瀾樂一帶如調赴廣西該處沿海各地方應派何軍填紮直隸防營是否足資分布著李鴻章酌度情形妥籌具奏○諭御史劉恩溥奏科道歷俸請比照郎中二年卽予截取宗人府起居注主事向無截取之例請飭議章程各直省首府首縣非正途出身人員概不得署理等語著吏部議奏○乙巳以英煦爲都察院左都御史○何如璋奏閩廠承造南洋快船兩號自定議後卽將應用之機器料件分別購製一面修理船臺准備安上龍骨其一切辦理情形經前督辦船政臣張蔭桓奏明在案嗣由出使德國大臣李鳳池將定購之龍骨鋼鯨船身鐵料等陸續運閩如數到齊臣蒞工後卽據提調員呂耀斗稟請諒旨安上龍骨前來爰擇於本月初七日安上第二號快船龍骨經臣親率辦事員紳匠役如法安置本年所造之第五號鐵殼輪船其船身製已及半船臺鼎峙合此而三雖並製無營工程不易而通盤批算究於經費較省現屆歲暮照例停工擬乘隙查閱各廠點盤器具明正開工卽可添招匠役併力興作臣甫經蒞事規制粗諳惟有矢慎矢勤加意董率以仰副 朝廷軫念要工

之至意報聞○是月比利時國使臣諾丹福回國參費米師麗署理

二月丙午朔祭先師孔子廟遣李鴻藻行禮○諭上年順大直隸各屬被水災區節經降旨蠲緩糧租

撥發銀米並由該署督等廣籌欸項分別賑撫俾資接濟惟念順人所屬之通州等十餘州縣直隸所屬之天津等二十餘州縣被災較重積水未消閭閻困苦異常朝廷實深軫系亟應特施膏澤加惠災黎著撥江蘇浙江本年漕米各五萬石即在天津就近截留山李鴻章等詳查災區輕重及時分撥散放並以工代賑核實經理其隨漕輕濟等項銀兩經制耗食米石並飭解交直隸津貼賑需該署督等務當督飭所屬認真撫卹毋任官吏稍有弊混用副軫念民艱至意○丁未祭社稷壇遣載敦恭代行禮○轉裕德爲翰林院侍讀學士雲穆歡爲翰林院侍講學士○左宗棠奏於光緒九年十二月三十日接准軍機大臣字寄十二月二十二日奉 上諭徐邨奏請陳導淮辦法以弭江皖水災繪圖呈覽一摺據稱江皖兩省水患頻仍亟須洩泗沂爲導淮先路仿照從前抽溝之法循序疏治並由大通口引河入海洩水較易等語著左宗棠楊昌濬照所奏各節悉心會商妥籌辦理等因欽此查復淮一案 左宗棠於上年曾經奏明指撥專欸並委署淮揚海道徐文達徐州道程國熙勘明稟覆批令候 等親履勘勘再行商辦正在料理啟程欽遵前因 左宗棠即於正月初五日由省十二日行抵清江咨會 臣昌濬及徐文達程國

熙並宗棠所帶熟悉水利各員先將湖水出入之張福口河天然引河碎石河吳城七堡順清河等處周歷閱視再由楊莊循舊黃河沿途查看至雲梯關並由大通口至響水口查勘引河入海道路於二十日回至清江詳加考究悉心妥籌竊以江北連河北受泗沂之水西受淮水其間可以導引入海之處僅有一舊黃河本爲淮水東去之故道亦卽今日宣洩泗沂之要區也導淮之議發於前大學士兩江督臣曾國濟同治六年七月間因紳士之稟奏明試辦光緒六七等年前著督臣吳元炳前督臣劉坤一踵而行之而前漕臣張之萬抽挑舊黃河及張福碎石等河實爲導淮樞輿治水必先下游黃河不通海則尾閘難遏泗沂不入舊黃河則湖水中梗難欲出清口入運河而不能逞論雖海安徽學政臣徐卬所奏挑泗沂爲導淮先路洫爲確論與近年所辦大略相同查舊河自同治六年抽挑以後又經擇挑數次漸疏漸遠河底甚寬斷不能挑至老灘又多飛沙陷沙兼有稀淤水小之時易於阻塞同治十三年所挑楊莊河頭三百餘丈至光緒六年已經淤高數尺惟光緒七年所挑河身適逢連年大水冲刷得力自楊莊至安東佃湖一帶尙屬通暢可以行舟泗沂之水賴以分洩八九兩年非常汎漲猶得從容啟壩以保裏下河秋成者未始不由於此擬將楊莊以下至湯土四十餘里再行轉寬加深並將安東以下灣洲積淤地方間段開闢又佃湖營以下至雲梯關一帶河道較窄亦應加闊寬深俾溜勢激湧刷沙攻淤河身可期

漸通其雲梯關下二百餘里河形高仰且有連年沙灘昔以全黃之力所不能通者今欲以泗沂分流通之其勢固難查大通在雲梯關下十餘里舊黃河北岸係嘉慶年間漫口東北流四十餘里至轅水口接連潮河出濯河口入海河形已嫌淺窄就此加挑寬深途捷而工省兩面各有寬灘容易隄防舊河既通出海又便泗沂來源自當大爲分減淮未復而運河亦可少安淮已復而歸海無虞阻滯此挑泗沂以爲導淮先路工之宜先辦者也淮水挾兩省衆流匯爲洪澤湖本係江皖巨浸自道光年間爲黃河所淤北高南下形如側釜山禮字河趨高寶湖以入運河者垂三十年已成自然之勢今欲導之復故不啻挽之逆流自張福口引河起至大通轅水口入海計程三百五十餘里節節窒礙非由下游暢其去路上游塞其漏卮其不能捨下就高入黃歸海也明甚然事在人爲不惜費不憚勞天下無不辦之事工可漸施而事不可求速水可分洩而勢難以全移查湖邊引渠一如張福口河一如天然引河皆北趨陳家集之大冲至碎石以達吳城七堡又北而至順清河口以接楊莊舊黃河張福口河六十餘丈宜加寬深天然引河僅存形迹更須疏濬而吳城七堡一帶且高張福口河底一丈六七尺地勢彎曲又必大加挑挖以順其勢諸河既修湖水果能入黃然後可堵禮字河以截旁趨之出路堵順清河以杜運河之奪溜此引黃入海工程當以次接辦者也湖水不高不能入黃太高不但圩堰石工可慮運口開壩難支且於肝貽五



河近湖民田有礙擬將堰圩智信林等三壩修復豎整以洩湖漲更擬建閘於陳家集下大冲地方俾湖水操縱由人多入淮而少入運但其地沙泥暴浮植基不易尙須臨時察看情形酌量辦理此又復淮案內預籌以籌其後者也臣等詳覽形勢博訪周諮施治之法大抵不外乎此天下無有利無害之水泗沂淮之注於江北裏下河最愚苦之然當插秧之際則又惜水如金每相爭競藉令涓滴悉歸於海害則去矣如潞漑何臣愚以爲疏濬黃河分減泗沂已著微效自當加挑寬深兼疏大進口以暢出海之途復淮事仍分年分段察酌興辦去其太甚之害留其本然之利不急復淮之美名但求減漲之實效江北於皖省爲下游下游利上游自無不利矣前督臣曾國藩原奏內稱復濬之大利不敢必其速興淮揚之大患不可不思稍減老成謀國計慮深遠前署督臣吳元炳前督臣劉坤一等奏辦導淮亦皆以循序程功爲主與學臣徐郵所陳臣等所擬均相符合臣宗棠現蒙 恩准開缺實假但此等要工何敢膜視現商定於清江設立復淮局遴派大員駐局提調一面派員估計工程次第舉辦容俟著督臣曾國荃到江告以所勘情形以冀事之必成仰副 朝廷軫念東南興修水利之至意報聞○戊申諭長順奏請假回旗葬親一摺長順著賞假六箇月烏魯木齊都統著升泰馳驛前往署理○己酉諭軍機大臣等有人奏條陳奉天事宜各摺片振耕盛京內倉監督於定章津貼各著之外仍送陋規奉省八旗官學事同創始經費

須籌請飭定監督捐款於應交正款外每任每員各交官學銀五千兩內倉差使每屆派送時五部中往往一人把持甚有一人連充四五任者嗣後如連次保送將該堂司照徇私例嚴議等語著徐桐薛允升確切查明酌議具奏其所稱吏治刻儆苛派差徭農商交困而應認真查辦核實釐定以紓民力著該尙書等將應行裁減之處詳細酌核妥議章程奏明辦理至承德縣班房諸弊查明禁革該知縣朱克揚及刑部主事楊德林被參各節著一併確查據實參奏原摺一件片三件均著鈔給閱看將此各諭令知之○諭都察院奏據工部筆帖式錫齡以伊父楊得承因案涉訟監禁斃命刑部承審司員朦混徇私等情赴該衙門呈訴案關人命虛實均應澈底根究著刑部堂官確切查明據實具奏○庚戌諭前據給事中劉承修奏廣東高州匪徒竊發由於地方官諱盜養奸並知府鍾秀與知縣王之澍互相稟託各情當諭令該督撫查明具奏茲據張樹聲裕寬奏逐一確查據實覆奏此案高州匪徒莫毓林等糾眾聯盟圍襲郡城並分竄電白縣城當經文武各員拿獲匪首不致蔓延爲患原參地方官貪庸乖謬諱盜養奸各節據張樹聲等嚴密訪查或事出有因或查無實據高州府知府鍾秀於匪徒滋事未能弭患事先且將屬員負氣毆辱殊屬躁妄前署茂名縣知縣候補通判王之澍於查辦會匪重案漫不經心致貽後患實屬庸劣不職鍾秀著交部嚴加議處王之澍著卽行革職前茂名縣知縣姚成熙電白縣知縣鄒履端失察

書吏勒索夫僧均著交部議處前著電白縣知縣董汝礪署陽江鎮右營都司鄭廷熊於所屬會盟滋事拿獲首要各犯功過尙足相抵著開復原參摘頂處分仍著該督撫飭屬緝捕餘匪務絕根株以靖地方

○辛亥諭御史文海奏婦女逛廟有傷風化請飭禁止一摺婦女入廟燒香本干例禁若如該御史所奏近來京師各廟仍有婦女遨遊置屬不成事體著步軍統領衙門順天府五城御史出示曉諭嚴行禁止

○癸丑諭翰林院代遞編修王懿榮摺稱尙書一經成堯以來二帝三王之政粲然大備顧自遭罹秦燔重厄斯文漢既奮興旁求典籍得自濟南伏勝者名曰今文出自孔子宅壁魯孔安國所定者別曰古文終漢之世二者代興並立學官雖其書自先秦以來字形遞變飾說各異乖疑難正在所不免然卽漢人所傳熹平中一刻碑石魏正始間再刊爲三體凡此舊文旋並淪失皆由晉永嘉之亂經籍道消當時古文僅存秘本今文漢注傳習無人一遭寇變泯焉漸滅於是今本尙書出焉今本尙書者晉掾章內史梅賾所上於朝唐貞觀中孔穎達爲疏者也篇中所具古文乃剽取秦漢子史各家所稱引者傳曾造作又復依託孔傳直僞淆雜視然成書自宋儒朱熹以來遞生疑議爭議爲僞古文以迄近世羣相論辨各有專家無須陳列我 高宗純皇帝 欽定四庫全書總目提要判定羣言辨其真僞昭然發矇萬世師

資一時臣工承流宣化譏謔多人繼絕興廢竄超往古有前臣山東督糧道孫星衍撰尙書今古文注疏三十卷搜輯前漢今古文及各家古注之僅存者編輯成書類復其舊又徧采前人傳記之涉書義者備疏其下不逞私臆最稱矜慎坊肆刊置所在流行是則網羅散失守闕抱殘所錄古文爲眞古文所采古注爲眞古注視晉唐以來所行之今本尙書實爲有漢相傳古書之遺文亦卽爲知古稍近之眞本就今本區別言之猶兩唐書兩五代史之當分構新舊不得不以古文之名名之也伏思尙書一書經中之史史中之經二帝三王心法治法畢現於斯不存其眞曷用其僞以之比較舊唐書舊五代史得邀天鑒並列學官者所關尤大且觀後漢陳氏之疏立左氏傳能於眞僞錯亂孤學少與之際解釋先聖之積結淘汰學者之累惑南齊陸澄領國子博士時議置諸經學能於南北凌雜微言將絕之時論易之當主鄭文不可獨用王弼左傳宜於服虔之外兼立賈逵杜預伊何人斯尙知體要矧臣今日生逢盛世職在翰林管見雖微敢不上達伏乞 皇太后 皇上俯准臣奏上法 高宗純皇帝以舊唐書舊五代史附入二十四史並行之意 飭下武英殿及今補刊羣書板葉之時行文江蘇學臣徵取其書刊附舊刻十三經之內使與今本尙書注疏並行以存二帝三王遺書逸文之眞以見我 皇上法 祖同 天之美擬並請 特旨通飭各省督撫學政各官嗣後凡遇大小考試命題至尙書一經准其兩本並用頒爲功

令 上諭翰林院代遞編修王懿榮奏請復古本尙書與今本並行一摺著禮部議奏○中書戶部奏各省應解京餉當同治初年道路多阻間由銀號匯兌嗣以各省肅清於同治五年經臣部奏陳請旨飭令各督撫於部撥銀兩派員親齎交庫不得藉口委解之難率行匯兌嗣經督撫紛紛陳請雖經臣部暫行議准仍令查明如可委解即不得意存便利復歷經科道條陳嚴禁匯兌均經臣部議令遵行在案乃各省查視匯兌爲成例致有去歲阜康銀號倒閉庫款被失之事經臣部於上年十二月奏明請旨飭令各省關所有應解部庫銀兩各衙門餉銀京員津貼以及各省協餉概令委員親齎不准再行匯兌奉旨允准行知遵照惟恐各省關積習相沿藉口委解之難仍行匯兌既可巧避處分至於庫款被失又或互相推諉實屬不成事體查吏部處分則例職直省批解銀兩該管司道府不委現任官解送濫委廢員匪人以致中途失誤者將原委之員降一級調任私罪又載若解官已請防護又係經由大路而餉鞘被失者所失餉鞘地方文員分賠十分之五簽差不慎之大員分賠十分之三管解官分賠十分之二如解官係微末窮員不能賠補仍著落簽差之大員分賠等語是委解餉項處分著賠例定案嚴各省關匯兌銀兩即應比照辦理擬請此後各省關應解部庫各項銀兩不照例委員批解率行匯兌致餉銀被失者即照濫委匪人以致中途失誤例將原委之員降一級調用其被失款項既無地方官分賠若責令銀

號追繳吏屬有名無實所有陋兌餉銀被失皆無論款項多寡概著落隨兌不慎之員全數賠繳似此嚴  
定處分庶各省關知所儆懼不敢視陋兌爲成例置欠款若罔聞以重餉項而專責成得 旨如所議行  
○乙卯諭都察院奏請飭部撥款發商生息以作常年五城緝捕經費一摺著戶部議奏○前任鑲黃旗  
蒙古都統穆騰阿奉賜卹如例○丙辰諭本年輪應查閱湖北湖南雲南貴州等省營伍之期湖北卽派  
卞寶第湖南卽派潘鼎新雲南卽派唐炯貴州卽派張凱嵩逐一查閱認真簡校如有訓練不精軍實不  
齊者卽將廢弛之將弁據實參拏得視爲具文○丁巳諭順天府奏賑米陸續用竣請續賞京倉米石  
一摺上年順天各屬水災甚廣迭經賞給銀米分別賑濟現在賑糶正殷需米孔亟著再賞給京倉粟米  
三萬石以資接濟○諭卞寶第奏鄆西縣廩生余現芳身死一案現調江西作檢驗屍骨與原驗不符  
請另調件作覆驗等語著刑部迅卽揀派諳練件作前往湖北山卞寶第詳加檢驗務期傷痕確實以免  
枉縱湖北鄆西縣知縣謝翼清於屍子呈報未卽往驗以致屍身發變釀成開檢之案鄆西縣知縣彭世  
翰奏委相驗並不細心驗視原格填報傷毒現驗毫無痕跡均屬玩視人命荒謬異常謝翼清彭世翰俱  
著先行革職歸案審辦○戊午諭鹿傳霖奏知府剛愎任性請旨革職等語河南汝寧府知府周冠於教  
匪要案原訊未能得實經該撫飭調該員來省會審復肆意稟瀆抗不遵調且有聽信劣幕等情實屬荒

謬周冠著卽行革職以示懲儆○己未頒給甘肅金塔堡 關帝 城隍 龍神各廟固原州 城隍廟  
匾額○庚申諭前據給事中鄧承修奏請旨責令貪吏罰捐巨款當諭令彭玉麟將所參各員在廣東居  
官聲名若何確查具奏茲據該尚書查明覆奏已故總督瑞麟在任有年剿平匪黨曾著勞績並無貪私  
實跡自可毋庸置議已故學政何廷謙前任粵海關監督崇禮俊敏學政吳寶恕水師提督翟國彥鹽運  
使何兆瀛學羅道方溶師廣州府知府馮端本潮州府知府劉滄年雁州府知府張丙炎南海縣知縣杜  
鳳治順德縣知縣林灼三或業經病故或早經離任既無丁書可訊亦無專案可推均難指其賊私確據  
朝廷政尚寬大既經不究均著免其置議現任南海縣知縣盧樂成前在東莞縣任內被參有案其調任  
南海亦多物議著改以教職銓選嗣後大小臣工務各潔己奉公廉隅自勵倘有貪婪劣跡一經發覺定  
當從嚴懲辦決不寬貸將此通諭知之○壽莊固倫公主薨○辛酉李鴻章奏查光緒八年奏定中國朝  
鮮商民貿易章程第四條內載朝鮮商民除在北京例准交易中國商民准入朝鮮楊花津漢城開設行  
棧外不准將各色貨物運入內地坐肆售賣等語原因朝鮮風氣未開若華洋各商運貨入彼內地恐生  
疑阻乃上年十月間朝鮮與英德續訂條約載明英德商民准將各貨運進內地出售及購買一切土貨  
是彼已無疑阻之心若中國商民轉不得運往朝鮮內地既與體制未符亦於商情未協且中國優待屬

邦若朝鮮商民前來中國內地賣貨亦應視同華民均當利益經臣督飭津海關道周馥悉心酌核請嗣後中國商民准其持照將中國貨洋貨運入朝鮮內地售賣不得有違於英德諸商其朝鮮商民亦准持照將朝鮮貨洋貨運入中國內地售賣照華商通關納稅遇卡抽釐近年華商運洋貨入內地有不願逢關納稅遇卡抽釐而願先完一子口半稅者業已准行倘朝鮮商民願領洋貨入內地稅單冀免內地釐稅者亦聽其便以示優待一體之意其請領執照各按已定章程辦理未領執照不准擅入內地仍禁止兩國商民不准在內地開設行棧坐肆售賣以示限制至兩國商民欲入內地採買土貨仍按原定通商章程照納沿途應完釐稅毋庸議改如此辦理與待華商無分輕重於體恤屬邦之道更加周至而於體制名分亦相符合查原議中國朝鮮商民貿易章程內開此次所定貿易章程姑從簡約以後有須增損之處應隨時由北洋大臣與朝鮮國王咨商妥籌諸 旨定奪施行等語臣即據詳咨商朝鮮國王去後茲准該國王覆稱中國商民將貨運進朝鮮內地出售允合事宜朝鮮商民前來中國內地賣貨中國視同華民一律同需利益豈出 天朝體恤屬邦無分內外之盛意極庸感激請轉奏定奪等因前來除咨會總理衙門並咨行各省關一體查照外謹錄該國王覆文恭摺具陳 旨如所議行○癸亥以豐陞阿爲鑲白旗漢軍都統○甲子諭軍機大臣等昨據李鴻章電報北甯業已失守官軍退至太原楊勝憤



瀕著卽激勵各營及劉永福一軍力圖進取一面疏通道路務令滇粵防軍聯絡策應擇要扼守捍衛邊  
疆○諭總管內務府奏據二等侍衛德榮呈請伊兄固倫額駙德徽承祧無人情願將伊子頭品廢生阿  
克東阿承繼爲嗣一摺德榮之子阿克東阿著繼與壽莊固倫公主爲嗣加恩給予固倫額駙品級○乙  
丑諭都察院奏山東惠民等縣民人王雪堂等以興修重堤廢地棄民等詞赴該衙門呈訴東省清水爲  
災屢次潰決建議築堤無非爲保衛民生起見前據陳士杰奏興辦長堤濰州民人頗多觀望茲據惠民  
濰州齊東濟陽各州縣民人所訴強令赴工苦上加苦各節建築堤工固不可感於浮議亦宜體察民情  
究竟所築長堤是否有利無害卽著陳士杰再行妥籌詳慎辦理原摺原呈均著鈔給閱看將此諭令知  
之轉奏查明興辦長堤實於大局有益民夫尙無所苦民怨而宜接修報聞○馮應壽奏民生之休戚視  
乎吏治之得失而親民莫如州縣察吏則在上官故三年大計鉅典煌煌四格八法至精且備矣夫守之  
清濶易知也年之壯老易見也才之長短亦可於催科聽斷諸端參考之也獨政之一格所包者廣繼以  
有關民事爲先務乃近日州縣之所謂政者日行事件畫押標行而已於閭閻疾苦樂利之事無與也督  
撫所以考察州縣之政者錢穀刑名清釐案牘而已於勸課存卹宣講諸務皆略也臣愚以爲報政之要  
必先核其爲民興利者若何爲民除弊者若何養民教民之見諸實事著有成效者若何倘於民事毫無

設施雖才守年力俱優而不得列諸上考蓋有守廉吏也而苟無恤民之實未爲盡職至有以清官自詡於私親幕友賄胥竄役之弊弊忽不加察而病民已多者若恤民之吏則斷未有剝民自肥而改其守者也有才能吏也而苟無勤民之實未爲盡職至有恃才自用而失之煩擾失之苛刻失之剛愎武斷者皆所不免若勤民之吏則斷未有因循退縮而絀於才者也至於本此以驗其識見年少者未必無練達之才本此以驗其精力年老者未必無有爲之吏也臣伏讀康熙三十六年 聖祖仁皇帝上諭舉行大計原期黜陟幽明大法小廉以爲又安民生之本所關甚鉅比年以來督撫等官視爲具文每將微員細故填註塞責至確實貪酷官具有害地方者反多瞻徇庇護不行糾參以致吏治不清民生莫遂負朕愛養黎元之至意殊堪痛恨等因欽此又讀乾隆七年 高宗純皇帝上諭國家舉行大計乃三載考績黜陟幽明之要典督撫大臣職司其事必當秉公去私杜絕請託精詳鑑別無黨無偏舉一人而衆皆知勸勉一人而衆皆知懲則官方以肅吏治以清百職修舉而民生共受其福矣等因欽此仰見 列聖勤求治本無時不以民生爲念 廟謨洋洋目下宜如何恪守無如日久玩生近仍不免視爲具文相應請 旨飭下各直省督撫嗣後考察州縣務先於有關民事之政核其勤惰廢興以定殿最毋得仍前積習泛採聲華致失 朝廷立法本意誠使天下之大吏皆加意督率天下之牧令皆實力遵行將見民力裕而催

科不勞民俗成而聽斷可省 鄂治之隆蒸蒸日上不勝迫切翹企之至 上諭御史馮應壽奏大計  
鉅典請飭疆臣認真考察一摺國家三載考績舉行大計典至重也特恐日久玩生不免視為具文嗣後  
各該督撫大臣每遇大計年分於所屬各員務當悉心考核舉劾一秉至公毋得稍涉偏私有名無實另  
片奏大計京察濫保處分不同現值纂修則例請飭部將分別公罪私罪處分細加酌核詳細分註等語  
著吏部議奏○內寅命湖南巡撫潘鼎新馳赴廣西督辦軍務以肅際雲暫護湖南巡撫○諭京察記名  
人員將次簡放完竣著內閣部院各衙門於京察一等未經記名各員內遴選才具優長者出具切實考  
語保送由吏部帶領引見○丁卯 上幸靜莊固倫公主邸第賜奠○頒給江西金谿 龍神廟匾額○  
戊辰朔 日於東郊道隆懋恭代行禮○壬申命孫毓汶烏拉布馳驛前往湖北查辦事件○甲戌諭軍  
機大臣等昨據李鴻章電報法兵已攻取太原華兵死傷甚衆法人逞兵未已且有索費之說瓊州防務  
愈形喫緊著彭玉麟張樹聲倪文蔚速籌備禦如兵力不敷卽行添調前往以資厚集並將各路團防加  
意聯絡藉壯聲威以佐兵力所不及等語彭玉麟等會奏瓊州距越之海防僅六百餘里我既無水師惟有  
截之港口扼其登岸之一法已令多備水雷安設各口以阻小輪船舢板近岸之路並又飭王之春添募  
二營以資分扼統計瓊防除額兵外共有湘粵水陸練勇六千數百人報聞

三月丁丑祭 歷代帝王廟遣世鐸行禮○諭軍機大臣等前有旨令潘鼎新署理廣西巡撫尅日馳往接統徐延旭所部各營邊事正殷需才孔亟潘鼎新到粵後必須有人相助爲理著李鴻章於各將領中擇其堪勝邊疆提鎮之任者據實保奏一二員聽候簡用粵軍所用軍火等項極關緊要並著設法接濟毋任缺乏尋奏保直隸道承鎮總兵唐仁廉貴州安義鎮總兵周壽昌允之○已卯御史李肇錫劉恩溥奏請將各省關外銷款項內分撥勻籌每年撥解銀二十六萬兩作爲京員津貼得 旨允行○甲申

慈禧端佑康頤昭豫莊誠皇太后幸壽莊園倫公主邸第賜奠○上詣 奉先殿 壽皇殿行禮○乙酉前任成都將軍魁玉卒賜卹如例○丙戌諭御史劉恩溥奏截取道府人員捐保俸滿請免實歷年限卽准分發及同知等官請改選缺班次等語著吏部議奏○左宗棠奏 臣蒞任後迭將興修江南水利各工分摺奏明在案查各工中最大者爲朱家山赤山湖兩處赤山湖先經工竣其朱家山亦據報於本年二月底一律完竣經 臣派委司道各員前往驗視均稱結實如式茲據詳請具奏前來查安徽之滁州來安全椒一州兩縣衆山環繞山水三面下注兼受定遠合肥之水至三汊河匯流繞六合二百餘里河道而達於江當山水陡發之時河流紆緩不能驟洩致滁州來安全椒江浦六合五屬圩田悉遭水患雍正乾隆嘉慶年間迭經各前督 臣議開朱家山以興水利均因工大費鉅而止嗣前督 臣沈葆楨奏升任廣東

提督吳長發率勇開辦爲時兩年甫有端倪又因該提督移防而賴綠朱家山中段石有須挖深二十餘丈方能通水而石根內蟠堅凝如鐵連成一片錐鑿之力兩窮故議開朱家山者咸苦此處之最難措手加以下游宣化橋洩水之處蘆葦相雜一經施工節節阻礙經臣飭派營中善於攻石之勇士先從石工入手以棉花火藥鑿管道山層層轟塌併於下游新開一河自馬家橋懸馳市塲以至浦江康山圩止而達於江讓出宣化橋一帶蘆葦赤山湖地轄句容承受茅五諸水匯湖分流經溧水上元江寧三縣以達秦淮湖底卽高圩堤亦薄旱乾水溢均受其災民間苦之當開辦之始添開湖河以墜其流加築圩堤以固其基並修建橋閘以收蓄洩之利赤山湖先於光緒九年三月間完工經臣將該處承辦工程各營調集朱家山並先後添調各營合力趕辦其時適前福建藩司王德榜來甯復經臣檄委添募開湖勇丁專工石脊計朱家山自開工以來屆今兩易寒暑乃得以告竣不惟沿江圩田平時均受其利卽山水陡至亦可免漂沒人畜廬舍之慘而糧艘貨船可由內河而行不必再犯大江風濤九屬農商兩便此外則通濟門內外橋閘爲秦淮附郭正流金川門內外河道爲港汊入江去路均爲詳考地勢擇要建閘建橋乃得收納諸水導引清流陸居舟居咸受其益他如帶子洲沿江之圩堤江甯鎮瀨江之間塢均大半衝塌殘缺並省城溝道亦昔年久失修均爲先後分別勦工以慰紳民囑囑之請統計各處工程以百里數則

朱家山自浦口起至張家堡接通滁河止綿亙一百二十餘里共長三萬八百四十餘丈赤山湖自道士  
關蟹子壩以至三汊河下游各處亦綿亙二十餘里共長三千九百餘丈而各處零碎之工不計焉以百  
土方石方則朱家山共挑土方三百三十一萬五千一百九十餘方石工二十五萬六千二百餘方赤山  
湖土方十七萬五千八百八十餘方通濟門等處橋閘河道各工共挑土方十六萬八千方有奇帶子洲  
等處堤閘溝道各工共挑土方十五萬七千九百餘方以百用款則朱家山共用銀十七萬七千八百八  
十餘兩有奇赤山湖共用銀二萬八千四百六十餘兩有奇通濟門金川門內外河道橋閘各工共用銀  
八萬三千五百六十餘兩有奇各處橋梁溝道圩堤閘壩各工共用銀七萬六千七百八十餘兩有奇統  
共用銀三十六萬六千六百九十餘兩有奇而設局之費動工之費兵勇米折賞犒之費民夫鄉夫哨勇  
石匠口糧之費木石各料價值之費以及此外散碎各費統算在內動款僅得此數非撙節動用核實開  
銷未易及此伏查臣當議辦朱家山河工之始或以經費浩大無從措籌爲疑或以工程煩重苦難入手  
爲慮此外赤山湖等處工程論辦法皆須連類而及以收一勞永逸之功若開辦則須同時並舉實有應  
接不暇之勢幸鹽票項下積有多款各司道亦以此事關國計民生未容以難而諉用能本臣所議定者  
逐一興辦而各營員督率弁勇奔走風日之中鞭撻冰雪之內衆手交番如赴其私最難者尤在朱家山

礮石之工藥信一燃石塊四揭盤勢之險無異戰陣竟能將該礮石有一律開通亦並非微臣始願之所敢必其餘各員或訂立章程或部署工務或辦理文案或綜核句稽或任採辦料件之勞或司催督勇夫之役咸屬始終勤奮有裨鉅工實非尋常勞績可比所有勦用各款經臣飭令該司道等悉心細核均屬實用實銷毫無浮冒查去年防守運河伏秋大汛及承辦范堤工程各員經臣專案奏請給獎均經奉旨允准在案合無仰懇 天恩俯念朱家山等處工程較之防汛則情形之難鉅相同較之范堤則時日之久暫迥異懇 恩准將出力文武員弁查明專案開單擇尤從優請獎以示鼓勵其銀數係由鹽崇項下動撥容即開單報銷以區簡便而昭核實得 旨著准其擇尤保獎毋許冒濫餘依議該部知道○丁亥祭 先農壇道本格恭代行禮○諭孫毓汶現在出差工部左侍郎著吳廷芬署理其所署刑部左侍郎著廖壽恆暫行署理○岑毓英奏 臣於光緒十年二月初二日曾將派劉國全車往北甯接應各情恭摺奏報在案初十日承准軍機大臣密寄正月十三日奉 上諭徐延旭奏布隘北甯各路防軍嚴加扼守請飭籌解王德榜軍餉各摺片覽奏均悉北甯各路要隘經徐延旭飭黃桂蘭等分別布設該撫務當督飭各營備禦完固毋稍疏虞岑毓英計早到防兵力較厚即著會商徐延旭分飭滇粵各軍疏通道路迅速進兵以期互相援應彼族狡謀叵測時時窺伺北甯尤宜穩慎扼紮毋為所乘並激勵劉永福一軍

趕緊整頓規復山西等因欽此仰見 朝廷軫念邊藩有加無已之至意伏查越南之事大局攸關我  
皇太后 皇上不惜鉅帑命滇粵各軍出關辦理原冀大張 國威以寒賊膽彼族狂妄狡詐亦必須大  
受懲創始就範圍 臣受 恩深重不能迅掃妖氛撫躬循省為勝惶悚惟用兵之道宜避實擊虛避堅攻  
瑕與其株守一隅有老師糜餼之患曷若分道進取籌出奇制勝之方 臣前奉 旨馳赴越都裁定內亂  
因法人占據寧平道路梗阻連難前去又欽奉 諭旨令聯絡粵軍力保完善之地當將遵辦情形奏明  
在案今法人於河內山西防守堅固併力以圖北寧正與官兵相持未下而寧平南定等處法兵似屬無  
多昨據南官黃佐炎泣訴越都危急情形請設法拯救又據清化省布政使阮輝瓊到 臣營而稟清化地  
方尙屬完善請派兵鎮守該處與寧平接壤保固此處即可規取寧平南定又可入定越都洵屬至好機  
會但須再有萬餘人以數千直入越都肅清內亂嚴守海口以數千駐紮清化分攻寧平始能得手查南  
官黃佐炎所部南兵懦弱無用劉永福所帶越勇紀律不嚴均未便派往 臣現帶各營分紮興化前後左  
右各要隘尙覺單薄而籌部滇軍再添一二萬人不難勉期招集 臣不揣冒昧擬挑派得力員弁分投招  
募趕來添用俟續募各營到防擬即委妥實幹員統帶陸續前往相機辦理劉永福一軍俟會同粵軍將  
攻北寧之賊擊退即激勵乘勢進攻不容鬆勁至 臣軍月餉雖奉 旨敷撫 臣唐炯籌解接濟而本省入



不敷出專恃四川協鎮亦恐獨力難支撫臣唐炯前奏請 賞撥銀五六十萬兩係連本省出款一併合  
計今臣添募新軍所需口糧尙在無著合無仰懇 天恩准敕部於切實款項撥發銀一百萬兩解交  
撫臣唐炯陸續轉解來營以資支放 上諭軍機大臣等岑毓英奏增募勇營請添撥協餉並懇免節制  
粵楚各軍各一摺前因北甯被陷邊事日棘經諭令岑毓英激勵各軍擇要扼守旋聞太原又被法僞  
邊防更形喫緊茲覽該督所奏尙在北甯太原未失以前目下局勢迥不相同軍情瞬息萬變該督所擬  
添募各營自係力圖振作爲避堅攻環之計惟孤軍深入務策萬全法人詭詐百出越官黃佐炎阮輝瓊  
等是否可信該督惟當穩慎進取不可稍涉大意滇軍增募日多需餉益亟著戶部速即籌撥有著的款  
銀一百萬兩趕緊解交應用不得以空言搪塞關外各軍不可無所統率該督所請免其節制粵楚各軍  
之處著毋庸議廣西巡撫已有旨令潘鼎新署理俟該署撫到防後和衷商榷力固邊陲以維大局將此  
由六百里密諭知之○戊子欽奉 慈禧端佑康頤昭豫莊誠皇太后懿旨現值國家元氣未充時艱猶  
鉅政多艱民未救安內外事務必須得人而理而軍機處實爲內外用人行政之樞紐恭親王奕訢等  
始尙小心匡弼繼則委蛇保榮近年爵祿日崇因循日甚每於朝廷振作求治之意謬執成見不肯實力  
奉行屢經責者論列或目爲癩蔽或効其委靡或謂難爲不飭或謂昧於知人本朝 家法最嚴若謂其

如前代之竊據亂政不惟居心所不敢亦實法律所不容只以上數端貽誤已非淺鮮若仍不改圖專務姑息何以仰副 列聖之偉烈貽謀將來皇帝親政又安能諸臻上理若竟照彈章一一宣示卽不能復議親貴亦不能曲全舊習是豈朝廷寬大之政所忍爲哉言念及此良用惻然恭親王奏請大學士寶璽直入殿久責備宜嚴姑念一係多病一係年老茲特錄其前勞全其末路奏請著加恩仍留世襲罔替親王賞食親王全俸開去一切差使並撤去恩加雙俸家居養疾寶器著原品休致協辦大學士吏部尚書李鴻藻內廷當差有年祇爲簡於才識遂致辦事竭蹶兵部尚書景廉祇能循分供職經濟非其所長均著開去一切差使降二級調用工部尚書翁同龢甫處樞廷適當多事惟既別無建白亦無應得之咎著加恩革職留任退出軍機處仍在毓慶宮行走以示區別嗣廷於該王大臣之居心辦事默察已久知其決難振作誠恐貽誤愈深則獲咎愈重是以出示矜全從輕予譴初不因尋常一告之微小臣一疏之劾遽將親藩大臣投閒降級也嗣後內外臣工務當痛戒因循各摠忠悃建言者秉公獻替務期遠大朝廷但察其心不責其跡苟於國事有補無不虛衷嘉納倘有門戶之弊標榜之風假公濟私傾軋攻訐甚至品行卑鄙爲人驅使就中受賄漁利必當立抉其隱按法懲治不貸將此通諭知之○諭禮親王世鐸著在軍機大臣上行走勿庸學習御前大臣並勿庸帶領豹尾銀戶部尚書額勒和布閣散銘刑部尚書張

之萬均著在軍機大臣上行走工部左侍郎孫毓汶著在軍機大臣上學習行走○咸亨奏本年二月初七日准工部咨議覆御史吳壽齡奏黃河修防亟應通籌全局變通盡利一摺恭錄 諭旨並原摺交咨行到豫查該御史原奏內稱河東總督專辦河南工程兼顧運道而下游修守之工其在開州長垣東明者則責之直隸總督其在曹州兗州等屬者則責之山東巡撫今則黃河大溜全注山東大清河不能容納奇險自出災患頻仍請責令東河總督統治全河上下游修防事宜並屬汛如何移置飭部斟酌妥籌俾各有專責等語部以河南至山東海口轄境較遠河臣能否兼顧令卽會同山東巡撫妥議具奏等因伏查河東總督一缺從前管轄黃河兩岸共十四屬自咸豐五年關工失險後下游河溜工停奏明裁汰七屬僅留現在上游七屬所管堤工南岸三屬共長二百一十餘里北岸四屬共長二百六十餘里兩岸險工南僭於北奴才甫經履任尙未經歷三汛不敢人云亦云惟上年曾任開歸道缺率屬修防一切緩急機宜在所目覩茲復詳稽載籍博採羣言總以黃流移步換形險無定所處處宜守刻刻宜防各屬料物工程雖俱責成道屬預爲籌辦而河臣總司考核每屆伏秋周歷稽查駐工防守一遇河水盛漲或上下同時出險或南北先後出工往來躬督拍護已覺鞭長莫及策應不遑若再兼以東省工程則相去千有餘里工遙境隔必致兼顧難周有誤機要且東堤甫經興築河勢變遷靡常若遽令移近屬汛則

堤壩之增修員弁之添設種種煩費非另籌鉅款不辦值此庫項奇絀恐亦不易取盈況帑項驟增於河  
防果否有益尙無把握此奴才轉輾籌思有不能不預爲計慮者也竊以東工近在濟南仍由撫臣兼辦  
不惟事權統一呼應較速且修守巡防諸可隨時稽核帑料庶不多糜要工良有裨益奴才受 恩深重  
但使力所能行斷不敢稍涉畏難速分畛域祇以事關重大兼任未宜又何敢遷就游移致妨全局謹此  
據實瀝陳下部知之○頒給直隸選委縣 關帝廟 城隍廟匾額○已丑欽奉 慈禧端佑康頤昭豫  
莊誠皇太后懿旨軍機處遇有緊要事件著會同醇親王奕譞商辦俟皇帝親政後再降懿旨○庚寅諭  
總理各國事務衙門印鑄著麟書暫行佩帶○調徐桐爲吏部尙書未到任以前命張之萬兼署○以畢  
道達爲禮部尙書以卞世長爲都察院左都御史○調許應騷爲吏部左侍郎調張家驥爲吏部右侍郎  
以徐用儀爲工部右侍郎○以豫親王木格爲宗人府左宗正○調烏拉喜崇阿爲兵部尙書以延煦爲  
理藩院尙書以崑岡爲都察院左都御史○命靈桂爲翰林院掌院學士○轉奎潤爲吏部左侍郎調松  
淮爲吏部右侍郎轉貴恆爲刑部左侍郎以文暉爲刑部右侍郎○命畢道達兼充武英殿總裁廣壽爲  
國史館正總裁○召張之洞入覲以奎斌護理山西巡撫○命載敦爲閩兵大臣○調伯彥訥謨祜爲正  
白旗滿洲都統調奕祥爲鑲白旗滿洲都統以奕謨爲鑲紅旗漢軍都統調恩承爲鑲藍旗滿洲都統以

善慶爲正紅旗漢軍都統○諭壽莊固倫公主金棺於三月十九日奉移著派載瀛前往奠醊○壬辰諭  
前因法國越南搆釁交兵廣西邊防喫緊諭令徐延旭出關督率防軍周密扼守以固邊疆門戶乃該撫  
遷延不進株守諒山僅令提督黃桂蘭道員趙沃等帶兵駐守越南之北甯又於法人撲犯該提督等堵  
禦不力竟行潰退以致北甯失守殊堪痛恨茲據徐延旭張樹聲先後奏到失守情形並據徐延旭白請  
從重治罪張樹聲自請嚴加議處前已有密旨令潘鼎新馳赴廣西鎮南關外傳旨將徐延旭革職拿問  
並令王德榜傳旨將黃桂蘭趙沃革職拿問現計潘鼎新應已抵廣西著該撫派員迅將徐延旭解京交  
刑部治罪並著潘鼎新會同王德榜將黃桂蘭趙沃潰敗情形切實查訊如係棄地奔逃即行具奏請旨  
懲辦毋庸解交刑部已革總兵陳得貴防守扶良徽營首被攻破副將覺敏宣帶隊落後畏縮不前均著  
卽在軍前正法其餘潰敗將弁一併查明分別定擬請旨辦理毋庸徇隱張樹聲職任兼圻咎有應得究  
屬鞭長莫及加恩著改爲交部議處廣西巡撫著潘鼎新補授湖南巡撫著龍際雲署理廣西提督著王  
德榜署理○諭前因法國越南搆釁交兵雲南邊防緊要迭經諭令唐炯出關督率防軍堅守邊疆門戶  
乃該撫並未奉有諭旨率行回省置邊事於不顧以致官兵退紮山西失守唐炯不知緩急遇事退縮殊  
堪痛恨前已密諭張凱嵩馳赴雲南傳旨將唐炯革職拿問現計張凱嵩應已至滇卽著派員將該革員

迅速解交刑部治罪雲南巡撫張凱鴻補授貴州巡撫著李用清署理○命奕劻管理總理各國事務衙門事務周德潤在總理各國事務衙門行走○諭軍機大臣等現在越南北甯失守防務喫緊著會同各將南洋防守事宜切實籌辦務臻周密不可稍涉疎懈並將辦理情形迅速覆奏○諭軍機大臣劉秉璋奏台匪黃金滿自投誠以來野性驟難盡化現今調赴粵東如能立功自贖或粵省撤防萬不可仍令回浙以致別生枝節請飭彭玉麟俟海防事竣或就近妥插或長留水師營內差委等語著彭玉麟察度情形妥為辦理毋任回浙再生事端以弭後患○諭唐炯奏辦銅委員虧短銅斤請旨革職訊究等語補用知州林福經理銅務虧短銅斤一萬四千餘斤輒敢藉詞延宕私行回籍並據知府蔡元燮稟計該員有私賣餘銅情事亟應確切訊究連同銜補用知州林福著暫行革職並著廣東巡撫勒提該員押解雲南歸案究辦以儆官邪○命曹祺棍楚克林沁在御前大臣上學習行走○癸巳諭劉秉璋奏查辦台州匪徒設法整頓情形一摺浙江台州地方素多盜匪前經該撫督飭搜捕陸續拿獲著名匪徒數十名訊明正法並格斃匪夥甚多現在派駐營勇認真緝捕即著責成副將王天焱著知府陳瑤等務將漏網餘匪按名弋獲不准稍有疏懈並著嚴飭地方各官將應辦事宜實力整頓以清伏莽而安良善餘著照所議辦理○以崑岡為正藍旗漢軍都統○甲午盛昱奏恭讀邸鈔欽奉 慈禧端佑康頤昭豫莊誠皇太

后懿旨軍機處遇有緊要事件著會同醇親王奕譞商辦俟皇帝親政後再降懿旨欽此仰見 皇太后憂國苦心以恭親王等決難振作以禮親王等甫任樞機輾轉思維萬不得已特以醇親王秉性忠貞遂違其高蹈之心而被以會商之 命惟是醇親王自光緒建元以後分地綦崇即不當嬰以世事當日請開去差使一節情真語摯實天下之至文亦古今之至理茲奉 懿旨入贊樞廷軍機處為政務總匯之區不徒任勞抑且任怨醇親王怡志林泉迭更歲月驟膺煩鉅或非攝養所宜況乎綜繁隨之交則悔尤易集操進退之權則怨端易生在醇親王公忠體 國何恤人言而仰度 慈懷當又不忍使之蒙議奴才伏讀 仁宗睿皇帝聖訓嘉慶四年十月二十二日奉 上諭本朝自設立軍機處以來向無諸王在軍機處行走者正月初間因軍機處事務較煩是以暫令成親王永璽入直辦事但究與國家定制未符成親王永璽著不必在軍機處行走等因欽此誠以親王樹秩較崇有功而賞賞無可加有過而罰罰所不忍優以 恩禮而不授以事惟 聖謨深遠萬世永遵恭親王參贊密勿本屬樞宜況醇親王又非恭親王之比乎伏懇 皇太后懷遵 祖訓收回醇親王會同商辦之 懿旨實成軍機處 臣盡心竭智遇有緊要事件明降 諭旨發交廷議詢謀僉同必無敗事醇親王如有所見無難具摺奏陳以資 采擇或容 召對虛心延訪正不必有會商之名始可收贊襄之益也錫鈞奏奴才恭聞邸鈔欽奉 懿旨軍

機處事件著醇親王奕譞商辦欽此仰見 皇太后於軍國大計振衰起敝倍加鄭重之至意醇親王公忠素著奮發有爲不負委任自無待言奴才竊有慮焉同治十三年十二月醇親王請開差使摺內所陳言之痛切鑒微燭遠爲天下所欽佩蒙 皇太后鑒其誠允其請所以保全者至也今值時勢艱難之會欲爲改圖振作之謀復 命與樞臣會辦緊要事件奴才知醇親王決疑定計一秉大公斷無游移畏葸之弊所慮者軍機處爲用人行政之樞紐樞勢所在亦怨端所叢醇親王既預其事則凡緊要事件樞臣會商固非緊要事件樞臣亦須商辦若令醇親王時入 內廷 聖心固有未安若令樞臣就邸會商國體亦有未協況事之成敗利鈍本難逆觀萬有一失樞臣轉得所藉口在醇親王不避嫌怨即歸過於己亦所不辭第恐頌王之功者多規王之過者少卽有忠直敢諫之臣念及 朝廷有難處之隱亦無不括彙於是揣摩之輩窺此竅要媚王左右蔽王聽聞百計營謀不售其術不止卽王不墮其術中而以尊親之極值嫌疑之交以視王之初心似未相副奴才以爲事與其難處於後何如詳審於今伏懇 收回成命仍照前遇有緊要事件 皇太后隨時 召見醇親王商辦再交樞臣酌定以杜樞臣之推諉以防羣小之趨奉俾王之前志克遂而王之盛美以全趙爾巽奏奴才伏見 皇太后勅求上理改絃更張意謂必將責重新任諸臣使之責無旁貸乃可收得人之效及恭讀本月十四日欽奉 懿旨命軍機大臣



遇有緊要事件會同醇親王商辦等因欽此奴才不知 皇太后因新任樞臣未堪勝任而有此 旨乎  
抑樞臣固辭而 特諭以安之乎夫求治之道正名爲先無其名而有其實則功過無所歸咎罰無所施  
而國事將不可復問我 朝設立軍機處專任重地近法嚴內而皇子親王外而大學士以下苟非其  
選不得在列所以肅綱紀慎樞機也醇親王洞明機務衆論交推若果名義無嫌竟令入直樞廷誠足以  
宏濟艱難剖斷機務醇親王與 國一體義又何辭然自 皇上紹承大統之後醇親王卽自請退閒  
皇太后鑒於迫不得已之隱衷特降 懿旨允准天下曉然於 皇太后之所以處醇親王與醇親王之  
所以自處者仁至義盡毫無遺雖天下萬世之後莫不欽仰今令樞臣會同醇親王商辦緊要事件固  
不能羣請王府取決機宜若徑入軍機處則與諸臣何別另設直廡又非慎密之道是有軍機之實而無  
軍機之名 朝廷將何以循名而責實乎竊思我 朝既無此體制恐醇親王亦有萬難自安之隱衷又  
況樞臣特有商辦之名卽可爲將來倏卸地步設有貽誤無論廷臣論列無從得其主名且恐使醇親王  
謀 國之苦心與引嫌之初志不能表著於天下名實相違動多窒礙可爲深慮奴才伏見 皇太后聽  
政以來不時 召見醇親王諮訪大政裨益宏多然皆密勿論思樞衡仍斷自 聖慮在樞臣既得所稟  
承而天下之耳目心思亦歸於專一實已斟酌盡善今既明降 懿旨其實有緊要事件醇親王亦必稟

承 皇太后乃致見之施行是今日辦法仍與前次無異而徒予樞臣以諉卸之地又何如仍前辦理之名實兩無妨礙乎惟有仰祈 皇太后念醇親王之名義專樞臣之責成崇 國家之體制壹天下之心思懇請 收回成命遇有緊要事件 皇太后總攬宏綱虛衷諮訪以收實效醇親王仍可於 召對時隨事納忠正不必有樞臣商辦之名始為有益如此則名實相符賞罰可施於大局兩有裨益欽奉 慈福端佑康頤昭豫莊誠皇太后懿旨本日據左庶子盛昱右庶子錫鈞御史趙爾巽等奏醇親王不宜參預軍機事務各一摺並據盛昱奏稱嘉慶四年十月 仁宗睿皇帝聖訓本朝自設立軍機處以來向無諸王在軍機處行走等因欽此 聖謨深遠允宜永遵惟自垂簾以來揆度時勢不能不用親藩進參機務此不得已之深衷當為在廷諸臣所共諒本月十四日諭令醇親王奕譞與諸軍機大臣會商事件本為軍機處辦理緊要事件而言并非尋常諸事概令與聞亦斷不能另派差遣醇親王奕譞再四推辭仰懇 聖慈請賞經曲加獎勵並諭俟皇帝親政再降懿旨始暫時奉命此中委曲爾諸臣豈能盡知耶至軍機處政事委任樞臣不准推諉希圖卸肩以專責成經此次剴切曉諭在廷諸臣自當仰體上意毋得多瀆 盛昱等所奏應毋庸議○諭前因升任內閣學士前光祿寺卿尚寶御史桂霖曾培祺前後陳奏奉天吏治疲玩並糾參官員等款當派徐桐薛允升前往查辦旋據查明數款先行覆奏並聲明分案具陳一摺

據轉廣寧縣界兵李姓毆辱貢生楊景和一案經該將軍等將滋事兵丁照例擬罪該管官弁業經分別  
示懲係屬從嚴辦理並非姑容不究遼陽廣興義錢鋪與在籍守備劉維周涉訟驛巡道廣敏審辦尙無  
不合其各商公送匾對亦無抑勒及婪索多贓情事遼陽州知州章樾別創班屋管看未定罪名人犯並  
未濫押任令差役陵虐惟協領佛爾精額奉派點驗軍器輒收受差規銀兩本當從重懲辦姑念陋習相  
沿已久現既完繳贓銀著免其治罪從寬革去協領仍留世管佐領之職防禦哈福代送差規且於委員  
查辦時並不據實聲辯各實難辭著與景安及一同結報之署防禦貴廉烏拉束福春霖慶陞一併革職  
留任以示薄懲卽著該將軍將此項陋規永遠禁革毋任再有效尤筆帖式常壽承辦遼陽稅務藉差私  
徵肥己追被武生盛直臣等呈控亦未營求開脫惟勒完牛稅有違定制著卽行革職協領董永春知府  
高同善承審此案將盛直臣等斥革審訊而於常善辦理稅務不惜商民各節概不深究辦理未能持平  
城守尉崇善管理稅務於常善等議加牛稅各情率行准辦並於佛爾精額收受差規查辦未能得實亦  
屬不合董永春高同善崇善均著交部議處該處徵收各稅流弊如此恐他城亦所不免卽應大加整頓  
著該將軍卽會同盛京戶部將各城稅務章程詳加整訂奏明辦理○諭唐仁廉署理廣西提督貴州  
安義鎮總兵周壽昌發往廣西軍營交潘鼎新差遣委用均著迅速前往毋稍延唐仁廉未到任以前

廣西提督仍著王德榜署理○諭前據內閣學士尙賢御史曾培祺先後陳奏奉天事宜並參劾貪劣不職各員等情當諭令徐桐薛允升查辦茲據該尙書等查明具奏奉天辦理恭送 玉牒大差於照例開銷各款外向係藉資民力惟地方官吏胥役往往藉端苛擾貽累民生自應核實裁減以示體恤著照所請嗣後即按上屆攤派數目減半辦理由該將軍等先期將定數出示曉諭商民倘該地方官等有苛派加徵等情即行從嚴參辦屆時並著派出之王公大臣嚴飭官吏人等不准需索供應致滋擾累至該省兵勇是否應減撥稅是否可裁著該將軍等體察情形悉心酌核奏明辦理嗣後盛京五部司員保送內倉監督其已經派過者差滿後著俟扣足八年方准再送仍著該將軍侍郎隨時查察如有收受差規者即行奏參所有官學經費應由該將軍等另行籌備毋庸令該監督等呈繳至原參道員陳本植辦理稅務勒索侵吞及遊擊左寶貴倚勢招搖侵冒兵餉等款或查無其事或並無實據即著毋庸置議知縣魏鏞充當山貨局委員雖查無侵蝕等情惟該員以在籍人員經管稅務致招物議著即撤去差使原參署知縣朱克揚在承德縣任內於柵欄諸弊均置不問現據查明尙無弊端惟該員迭被參劾著該將軍府尹將該員留省察看如果堪以勝任再飭赴任盛京刑部主事楊桂林等無貪劣各情仍著該部侍郎悉心察看倘另有劣跡即行嚴參餘著照所議辦理○諭軍機大臣等此次京察一等獲帶圈出各員著自

三月二十四日起按照名次先後每日二員於寅刻赴乾清門伺候召見如本日未經召見仍於次日預備俟召見後其次應行召見之員再行接續預備其餘各員以次遞推○乙未以裕長爲奉天府府尹○丙申調龔易圖爲廣東布政使剛毅爲雲南布政使○丁酉岑毓英奏准於光緒十年正月三十日據探報有大股法人往攻北甯當即派南將劉永福帶所部全軍四千餘人隨同主事唐景崧於二月初一日開拔前往接應恭摺奏明在案近日據統領廣西防軍提督黃桂蘭道員趙沃南稟劉永福全軍於初五日行抵北甯即派紮城外預備接應十一日辰刻有法人兵輪五艘板艇十餘隻由芹厝關駛過扶郎社合計法人教匪四五千入水陸並進直撲防營粵軍管帶翟世祥李極光陳得貴葉逢春等抵敵不住率隊衝出退回六七里扼要駐紮法人追至桂陽縣一帶幸劉團趕到堵住並據劉永福稟稱粵軍未紮地營難禦礮彈擬即仿照前軍地營形勢趕緊分紮又無鋤鋪可使諸多掣肘請分發應用並派人前往指示紮立等情據報之下深爲焦灼立即派哨弁何自學等帶勇二百名解鋤鋪筆碼各物於十四日先往濟州又挑派番勇隊二千人交記名提督吳永安督同參將馬維祺游擊劉映華等帶領於十七日開拔馳往應援並以奏帶出關之翰林院庶吉士段樹藩同往籌畫茲於二十日據吳永安稟稱十七日帶隊由屯鶴關過渡有土匪六百餘人聚眾滋事即曉諭解散十八日行抵暮道社有各寨教匪施放鎗

礮阻住去路不得已揮軍力攻兩刻之久將社攻破斃匪數十名奪得匪旗八面餘皆逃散擬於次日帶隊前進忽據探報北甯省城已於十五日未刻失守前途教匪紛紛紮營阻截官軍文報業經阻塞等語又據廣西提督黃桂蘭道員趙沃函稟十三日粵軍挖成地營兩座劉團亦挖成地營兩座尚未修好十四日法人復分股攻撲新河涌球左河各營該提督等與劉永福分路接應防守無虞十五日黎明出隊開仗彼族駛大小船二十七艘連開花礮十數尊格林礮數尊與官軍戰至午刻共斃敵數百人官軍亦傷斃六十餘名正相持間忽有另股法人勾通教匪將塞河各物挖通駛快船由涌球上岸有教匪在城內應遂衝入城中所有軍火軍裝以及文件銀錢等物概行失落該提督等救援無及且戰且走退至太原等情飛報前來臣查北甯防軍共計四十餘營不為不多經營防備不為不久乃因敵勢猖獗竟不能固守待援殊非意料所及今法人又添北甯教匪其勢愈衆興化獨當強寇其勢愈孤頃據南官黃佐炎等面稱探聞法曾定計分三路進兵一由紅江直攻興化城一過三歧江取端容臨洮兩府繞出清波呈和兩縣一過沱江由枚枝關撲緬旺繞出家喻關錦谿縣使官軍糧餉隔絕文報不通腹背受敵等語臣竊揣敵情亦必出此臣所部各營不敷分布續募之勇又遠難趕到惟有就現在官軍分股抵禦查興化城外地營經統帶各營記名總兵丁槐修築堅固應即責成該總兵帶所部八營駐防以資熟手並

以總兵馬柱所部四營助之臨洮府一面係提督吳永安所部五營駐防仍將提督調回防守至緬旺地方距興化城三十五里擬親帶數營前往布置又另開一山路上至保勝以通文報並轉運軍餉軍裝不經過河邊以免敵人要截臣胞弟道員岑毓英現先帶三營出關月內可以到防俟到時再飭扼要駐紮其家喻關清河夏和等處原有防勇四營仍留駐防以顧後路並與諸將領及南官黃佐炎等歛血誓師竭力固守不敢稍有疏虞惟北甯既失弊端已開大局攸關宜如何辦理之處相應請旨飭下遵行再主事唐景崧先於二月初十日自北甯往諒山同廣西撫臣徐延旭面商軍事劉永福已帶所部退至太原駐紮合併陳明上諭軍機大臣等岑毓英奏北甯失陷興化等處布置防守並隨時激勵劉國盛請賞給越南官兵餉銀各摺片覽奏均悉據構法人擬分三路攻撲現飭官軍分投抵禦即著岑毓英激勵防營及劉永福一軍竭力固守相機籌辦該督所部各營兵力不敷分布所有續募之勇即著催令迅速到防家喻關等處爲大軍後路務宜妥籌兼顧該督以北甯既失弊端已開大局攸關請旨辦理目下事勢惟有力籌戰守以遏敵氛越官黃佐炎等所帶官兵辦理各項差使既尙得力著照所請按月賞給銀一千兩惟黃佐炎等究竟是否可靠著岑毓英隨時體察加意審慎毋致意外之虞正在寄諭間接據李鴻章會紀澤電報法犯興化華軍將城焚毀退走等語是否屬實著岑毓英迅速詳細奏聞現在進止

機宜著該督酌量兵力妥慎籌辦總以力保邊疆門戶爲要不得稍涉疏懈○戊戌 上諭 奉先殿  
壽皇殿行禮○己亥命閻敬銘許庚身在總理各國事務衙門行走○庚子諭軍機大臣等中國自與法  
國通商以來講信修睦歷有年所惟期永固邦交嗣法國與越南構兵當以越南我朝舊服不得不爲保  
護且越境土匪滋擾尤恐竄入中國邊疆是以派兵駐紮北圻地方以資防堵仍一面照會法國使臣以  
免彼此猜疑乃越南昧於趨向致使該國教民抗我頗行此皆越南大臣不識事機所致朝廷與法國並  
不願傷睦誼也本日據總理各國事務衙門接到李鴻章電報興化已被法兵據守粵稅司德璵琳密稱  
若早請解可請法國止兵等語自係爲保全和局起見著李鴻章通盤籌畫酌定辦理之法卽行具奏李  
鴻章迭經被人參奏畏葸因循不能振作朝廷格外優容未加譴責兩年來法越構衅任事諸臣一再延  
誤挽救已遲若李鴻章再如前在上海之遷延觀望坐失事機自問當得何罪此次務當竭誠籌辦總期  
中法邦交從此益固法越之事由此而定既不別貽後患仍不稍失國體是爲至要如辦理不善不特該  
大臣罪無可寬卽前此總理各國事務衙門王大臣亦不能當此重咎也○諭軍機大臣等有人奏風聞  
現在天津統帶淮軍之湖南提督周盛傳盤剝兵丁異常刻苦該提督行爲跋扈李鴻章受其挾制等語  
天津屏蔽京師關係甚重周盛傳統帶防軍是否得力所參各節有無其事著李鴻章悉心察看據實具



奏原片著鈔給閱看○辛丑諭軍機大臣等總理各國事務衙門昨據道員邵友濂電報德國施緝譯官云洋行接廈門電報法國提督帶兵船八隻過廈門向北開駛等語法人連陷越南北甯等省其勢甚張彼以兵船來華恫喝要求自在意中沿海各處亟應妥籌豫備著李鴻章會同岑彭玉麟穆圖善何璟張樹聲衛榮光劉永璋張兆棟陳士杰倪文蔚吳大澂飭令防營加緊訓練沿海各要隘力籌守禦務臻嚴密瓊州臺灣孤懸海外久為彼族所覬覦有欲據為質藉索兵費之說倘有疎虞辦理益形棘手著彭玉麟穆圖善何璟張樹聲張兆棟倪文蔚督飭將領實力籌防總期有備無患際此事機緊要正我君臣臥薪嘗膽之時該大臣等務當振刷精神竭誠籌辦用副委任仍宜持以鎮靜不得稍涉張皇是為至要該國兵輪北駛是否確實著即探明具奏通政使司參議延茂奏請飭調吳長慶一軍移紮金州等語吳長慶統率所部駐紮朝鮮應否將該軍調回擇要扼守著李鴻章體察情形奏明辦理原摺著鈔給閱看御史趙爾巽奏撤陳海防戰守機宜等語著該大臣等斟酌妥辦原摺均著鈔給閱看將此山六百里各密諭知之○諭軍機大臣等前任湖南提督鮑超帶兵有年戰功卓著奮勇可嘉前因患病准其開缺朝廷實深廕系該提督現在已否痊愈著丁寶楨傳旨詢問以示眷念並著察看該提督精力能否出膺重任迅即覆奏將此山四百里諭令知之○諭軍機大臣等前直隸提督劉銘傳統兵有年威望素著前患目

疾諒已就痊現值時勢艱難需材孔亟著李鴻章傳知該提督卽行來京陛見以資任使等李鴻章奏劉銘傳於五月二十日行抵天津翌日來京報聞○諭各省抽收釐金迭經諭令該督撫等據實報部力杜中飽乃近來釐局委員往往徇情濫委任用罪人以致貪婪侵蝕自弊叢生殊堪痛恨當此庫款支絀之時自應涓滴歸公實徵實解若非認真稽查將使億萬釐金半飽私室實屬不成事體嗣後該督撫等務當激發天良明查暗訪設法整頓尤以擇任委員爲第一要義並將各該省釐局徵收數目隨時稽核嚴杜弊端該委員等如有侵漁及擾累情事立即嚴參懲辦倘敢隱匿情面袒護屬員或被人參奏或別經發覺定將該督撫等嚴懲決不寬貸將此通諭知之○諭各省設立驛站遞送文件原則迅速而限行攔報尤覺緊要乃各該省相沿州縣於支發款項剋扣侵蝕馬匹丁夫諸不足額文報致多遲滯實屬不成事體著各該督撫嚴查州縣夫馬必應如額隨時督催稽察遇有緊要文件照章速遞不准稍遲以肅郵政如該管各官任意玩誤卽著從嚴參辦不准稍涉徇隱將此通諭知之○甲辰 上諭 太廟行禮○諭軍機大臣等嗣後如過出宮行禮拈香等日期京祭祀名應行預備人員毋庸呈遞膳牌仍於次日預備召見○撫卹琉球遭風難民山里樁和等十九名

光緒五十九

臣朱壽朋敬編

臣張毓英恭校

夏四月乙巳朔時享 太剛道載勛恭代行禮○諭都察院奏順天生員劉青雲等以決壩築埝以鄰爲鄰等詞赴該衙門呈訴據稱文安等處地居澤下向受滹沱河清河之害近聞新河右岸居民將清河北岸各築私埝阻遏水道以致無從宣瀉等語文安等處向來水災極重所呈各節關係民生利害應何如保護疏濬之處著直隸總督會同順天府查勘明確奏明辦理尋奏查勘清河北岸分別拆除嗣後該淀窪下地面不准再築私埝每歲三五月由天津清河兩道勘查禁築報聞○諭御史程鼎芬奏請力惠窮黎以培元氣懇將同治十一年以後光緒八年以前直省錢漕等行蠲免一摺另片奏嗣後遇有災緩之年州縣概於勘報日起照例停徵等語著戶部議奏○戊子命許景澄充出使法國德國並義和奧三國欽差大臣未到任以前以李鳳苞兼署○諭潘鼎新奏湖南營伍請另行派員校閱等語本年應行查閱湖南營伍著卽派署巡撫龐際雲逐一查閱認真簡校如有訓練不精軍實不齊者卽將廢弛之將弁據實嚴參毋得視為具文○諭張之洞奏歸化城副都統奎英於地方公事多有意見民衆交涉事件偏袒

徇庇有意阻撓不知大體等語著派察哈爾都統紹祺於到任後就近將所奏各節確切查明據實具奏  
毋稍徇囑○已酉工部代遞主事余思誥摺稱竊見時事多艱銅項支絀亟宜多方籌畫庶可富國裕  
民查各省丁漕關稅鹽課釐金歲入支銷常恐缺額決無閒款可撥額外經費即使議借議捐亦屬為數  
無幾難裨實用方今防務孔殷亟宜廣開餉源庶可歷久經營成長驅遠馭之治謹籌數端敢續言之  
一請飭各省食鹽每斤加價二文按綱鹽數解司務令於場餘包餘加斤等項一律加價取之於商似乎  
較多散之於民甚屬微末每年約可增課千百萬兩一請飭歷州減成報捐各項實職已經銓補者已  
經卸事過班者已經候補試用者及未經銓選分發者照補繳免保舉補繳貢監之例一律議令分別勒  
限補繳若干銀兩准作新班分別銓補升班本班當可集成千百萬兩一請加徵煙地也洋藥稅屢經議  
加尙多未指落地之稅應飭於離鈔關釐局百里之州縣按值百抽五例徵收落地課金查洋藥一項吸  
用日久既多且廣已成狂瀾難挽之勢禁栽為粟土產日少深恐外洋販運日多應請於栽種為粟地畝  
一律照賦則二十倍徵收至栽種煙葉地畝同屬有妨民食亦令一律照則五倍徵收更令各關卡議加  
稅釐以助防費一請廣興礦務也凡有產銅產煤產金銀鐵錫等礦概准招商開採當地土豪毋得阻撓  
並飭該商每股自兩者准該處土人以五兩為一股以二十股作一大股按大股十分之一招小股充數

倘小股過多，擬聖去取，俾利益同沾。土人自樂於從事，凡礦苗深旺者，益請開採矣。至於股分票尤宜扶持，綜核公司之實在利益，嚴懲經辦之借端侵挪，或籌款設局收買股票，限時加利取贖，俾附股得以周轉，商務自益奮興矣。一請飭仿古輕費之法，官鈔商行也。方今錢店銀鋪倒閉迭見，自宜設法內而戶部外，而藩司製造官鈔，發與錢店銀號等商承領，每千酌徵制錢三文，每兩酌徵足銀二釐，盡用本號圖記，行用民間仍認本號支取現錢。現銀倘有損傷，准該商隨時赴局倒換，仍照例酌徵。永禁該錢店等開立錢票銀帖，以及寄存匯兌等條。該錢店有倒閉情事，實成保結人完繳承領之鈔，如有挖補偽造，印信照例懲治。是為官鈔商行一請。飭仿古飛楮之法，通行實鈔也。鈔票以取信於民為第一義，應由戶部製造銀鈔，先期頒發各藩司承領，蓋印先令行用。如應解餉銀，即以銀九鈔一解。部加蓋印信，名為實鈔。部中應發各款，即用銀九鈔一散放。該司截留餉銀一成以截留之日起，發商七釐生息，以五釐充公。以二釐為辦公經費。即由該司委員設局，藉備款項，撥局周轉，不分省分。隨時應鈔兌銀收銀，發鈔京師於市中設局撥款收兌各省實鈔，互換周轉，以備匯兌行用。如有扣平扣色等弊，照剋扣軍餉例治罪。是為通行實鈔一。各省荒田宜招種也。各省需次人員過多，半無差委，應由該省大吏察驗勤苦耐勞之員，派令分勘各邑荒田，招令就近災民承種，酌定年限，再行升科納糧，以開荒之多寡定嚴最之等差，當必實

力奉行於丁漕不無小補也一各處曠土宜開墾也東南荒島西北荒田爲地甚廣應由大吏據派勘苦文武員弁勘定地畝安定屯田章程招集無業游民資遣前往授田開墾數年之後田畝成熟戶口滋生於邊務似可壯色也至於絲茶兩項爲出洋之大宗似可酌加釐捐糖酒爲無益之日用似可從重加稅以上各端於地方常賦並無妨礙於國計民生似有裨益俾得利源從此廣開餉項從此充裕舉凡養才練兵造船製器自可推廣辦理歷久經營將見富日益富強日益強矣 上諭工部代遞主事余思詒奏請開餉源以濟要需一摺著戶部議奏○辛亥諭張樹聲等奏知縣在任服毒自盡一摺據稱廣東樂會縣知縣徐漢章於上年四月在任自盡該縣典史稟報係因素患肝疾服毒殞命該故員之子在府呈訴係教官典史抱忿逼斃現在行提人證來省集訊等語究竟徐漢章因何服毒自盡教官典史有無逼斃改報情事亟應澈底根究以成信讞著張樹聲倪文蔚飭司趕緊提集此案人證到省研訊確情據實具奏○諭晉慶等奏查明把持使館用馬價之協領據實糾參一摺江甯正黃旗協領金昌經理八十洲公款有年現經該將軍等查明每年短交銀一千數百兩不等以致馬價無著實屬貪婪不職金昌著卽行革職永不敘用仍著該將軍等將該員短交銀兩勒限追繳○諭陳士杰奏河工合龍日期一摺山東利津縣十四戶決口經陳士杰親駐工所督率員弁實力堵築於四月初二日合龍其小杏家莊口門

二處亦先後堵合辦理尙爲妥速卽著將未竣各工加築堅固並將卡家莊決口趕緊修築尅日截事在工出力官紳著照所請俟卡家莊合龍後一併核實保獎毋許冒濫○壬子諭軍機大臣等署都察院左副都御史張佩綸奏請飭邊海各軍嚴防備戰以杜要盟之計一摺滇粵邊境著張樹聲岑毓英潘鼎新督飭各營實力扼守毋稍鬆懈至所稱將來法人必索劉永福請飭李鴻章岑毓英顧全大局等語法人屢爲黑旗所敗其蓄志驅除自在意中著李鴻章岑毓英先事籌計以爲辯論地步○癸丑諭左宗棠奏目疾稍愈遵旨銷假一摺大學士左宗棠素著公忠不辭勞瘁朝廷深資倚任前據奏稱目疾增劇降旨准開兩江總督之缺俾得安心調理現已漸臻痊癒覽奏深慰廑懷左宗棠著卽來京陛見○諭李鴻章奏德州境內運河各工請飭山東撫臣籌款興修等語山東德州境內運河兩岸工程近年修守廢弛堤身單薄迭出險工亟應設法興辦著陳士杰籌撥款項遴委妥員卽將應修各工趕緊勘估擇要興修務期加高培厚於伏汛以前完竣毋稍延緩其防汛事宜並著嚴定官督民守章程以免臨事誤○諭李鴻章奏直隸蔚州解交藩庫銀兩行至安肅縣存放客店被劫等語安肅縣屬廂地面寬有賊匪多人搶劫銷銀至三千餘兩之多首夥各犯僅獲何見石一名餘均未獲捕務實屬廢弛代理安肅縣知縣劉兆祥不能先事預防署蔚州知州韓燦儕簽差不慎均難辭咎著交部照例議處並責令分賠銀兩仍勒限

賊緝賊倘限滿無獲卽行參辦至所稱劉兆祥原與鄧任知縣屬能官不肯將銀兩寄放縣署是以存  
在客店等語著該署督確切查明如果屬實卽將屬能官一併參賠以示懲儆○諭李鴻章奏開馬頰河  
分減黃流於地勢民情不宜一摺據稱該督派員查勘自長清縣黃河北岸之龍潭開至馬頰河抵沙土  
河海口共長十萬餘丈計六百三里淺狹處約十分之七應佔民田廬舍共數萬畝其不可開引黃流入  
馬頰者約有二端委員經過時沿河紳民紛紛呈請免辦等語山東黃河連年潰決小民蕩析離居時處  
脊肝山東開河克減黃流實於民生有裨朝廷亦不惜重帑現據李鴻章會同陳士杰查勘明確地勢民  
情均屬不便卽著毋庸置議○曾國荃奏於光緒十年三月十三日接署督篆二十四日承准軍機大  
臣字寄三月十七日奉 上諭現在越南北甯失守防務喫緊著曾國荃將南洋防事宜切實籌辦務  
臻周密不可稍涉疎懈並將辦理情形迅速覆奏欽此仰見 聖朝眷念南服兼顧統籌之至意欽感莫  
名臣入境之初接見文武各官詳詢地方利弊江海防軍布置與夫紳商士民苦樂之所在水陸軍容強  
弱之實情逐一登記行抵清江與漕臣楊昌溶談論甚久證之以鎮將道府之所陳兩淮運司鹽場官吏  
之所述乃得略知梗概嗣由瓜洲上駛金陵十三日履任視事夜則勤治公廨檢閱新舊卷宗日則與實  
缺候補各官次第相見並訪問各局各營人數之聚散多寡支放餉需之來源去路連日與大學士左宗



棠講求吏治軍謀之實際適李成謀李朝斌兩提督來商海防要務述之特詳其說多有可採臣虛心體察細意推求又經左宗棠劉切指畫臣自當師其所長而補其所未備匡其部下奉行之不力而守其範圍所可循惟臣才力竭蹶知識庸愚正值時局艱難上不能紓聖主宵旰之憂下不能慰吳人雲霓之望一旦肩茲重任深懼隕越貽羞欽荷 聖訓切實籌辦務臻周密臣何敢稍涉疎懈謹就江南目前應辦之要務二月初十日 聖訓飭令速行辦理各件臣到任後思議再三自度力量之所能衆情之所願者切實辦理敬謹先行分條陳明一查江南應辦海防保護長江兩岸修築礮臺為數不少有以吳淞口為門戶者有以江陰為門戶者有以鎮江焦山為門戶者文臣指示以發其端武臣駐守以控其要總之地有人據則人力所設之險亦足自守疆圉若夫江河山谷乃大地生成之險依之則可以憑險自固略省兵力舍之則不免望洋興歎浩無津涯查吳淞口距大洋不遠若我兵船屯駐口內僅保上海一縣若駐口外則止能制南岸十餘里之江泓而不能防北岸崇明汪洋之大段敵人若用大船乘潮直上竟可抄過吳淞後路且上海為各國通商互市之地無須中國全力保護而亦可無虞也今欲保護長江自不能不以江陰為緊要門戶查白茆沙未出水面乃係隱沙北岸水淺能駛中號小號之兵船南岸水深則大號鐵甲亦可上駛昨據曹德慶電報法艦已有三條桅一號來到吳淞口外距礮臺十餘里駐泊未見

動靜等語頃接天津電報又稱續有法人兵船五號今日可到吳淞口臣函諭提督李朝斌率吳安康不  
動聲色統帶澄慶靖遠馭遠威靖測海各兵輪船暗地布置屯紮江陰白茆沙一帶勤加操演以備防守  
之用臣率陳提近日親往該處察看水陸要隘并看烏龍山象山都天廟焦山江陰靖江吳淞等處礮臺  
及水陸相依之軍是否整齊其合宜者則照常安置其不合法者則量為移動以資得力吳淞口礮臺  
成曹德慶所帶淮軍照常駐守至於口外水面太闊上至江陰尤為緊要應責成李朝斌吳安康等率兵  
輪船扼守江心陸路礮臺應責成先在該處屯紮統帶淮軍銘武各營之張景春相為倚伏其第二重門  
戶如鎮江等之礮臺應責成長江提督李成謀率帶水軍與舊紮該處之陸路各營同相顧護有警之日  
臣與陳提即同李成謀李朝斌均至前敵相機因應以臻周密不敢稍涉張皇搖惑民心亦不敢坐失機  
宜致滋貽誤除咨提督李成謀李朝斌懷遵辦理毋稍推諉外理合先行奏明仰慰宸廑一江南轄境  
地段極寬沿海沙綫海汊無數沿江地段甚長濱江臨海之地尤為港汊紛歧是以水陸各營不能不多  
為布置除清標及督撫提鎮水陸各標綠營額兵練兵護軍成營成哨成隊不計外尚有駐紮江南兩岸  
地方由江南支放餉需之淮軍二十一營四哨護解淮軍餉項之船數隻其撥歸山東移至朝鮮之淮軍  
六營及撥歸廣東之淮軍五營與撥至臺灣之淮軍二營尚不在此數之內此十三營者原日均食江南

之餉旋因江南力絀迭次奏明不敢承認江蘇松滬釐捐歲入之款多係解濟在東在直淮軍之餉左宗  
棠因撥出之營過多時值南洋海防緊急汎地無營分布乃陸續增新湘恪靖水陸亦有二十一營五哨  
期與北洋大臣李鴻章部下留駐江南之軍相掎挑河以後分紮要隘防守地段然江南餉項支放淮軍  
湘軍自此來源日少因而款項日絀彭玉麟將老湘合字千五百人王之春毅字五百人調至廣東尙食  
江蘇餉項又有恪靖仁營巡緝營共千人撥至福建臺灣又王德榜十營屯駐廣西鎮南關外此二軍者  
名指江西撥解每月二萬兩實係江西應解南洋海防之銀其指撥兩淮鹽務每月二萬兩更係應解江  
寧之銀章合才老湘合字四營一哨歷係江南支放餉糈從前駐紮清江浦黃河灘一帶昨因海防喫  
緊業已照飭淮揚鎮總兵章合才親自帶領四營連來南岸點驗操演以爲移屯鎮江要隘之計想必旬  
內可到淮揚總兵印務日行公事卽由該鎮自派中軍遊擊代行代拆至於董鳳高所統淮軍久駐徐宿  
邳州預防山東淮北鄰境土匪則不宜調至江邊目下事勢日亟更不敢繫念餉項之無著但愚守口水  
陸兵勇之不精亦不慮與兩提臣指麾之無策但憂各營散漫不能齊心協力以備策應遊擊之用臣  
不敢固執己見操之太切更不忍輕聽人言畏難苟安理合預先條奏上達 宸聰以備查考一道員張  
蔭桓張富年才大心細體用兼資奉 旨乘輪北上已據報四月初一日到滬一遇輪船之便定必迅速

山津到京投文吏部帶領引見又署江安糧道趙伯宸四月初二日起程向清江浦水路北行督運漕糧赴濟又昨奉六百里寄諭飭臣諭令道員趙濟川速赴廣西軍營聽候潘鼎新差委該員業已起程即日前往西粵一漁團不甚得力臣於二月初十日面奉聖訓敕令到任後立即停止以杜擾累昨行文該承辦各員妥為撤散各漁團旋接撫臣衛榮光來函又接上海道邵友濂兩稟均云各岸漁團不可不撤而所練水勇五百人精壯可用係戴學熙管帶尚可留為巡查上海崇明港汊之盜匪島匪臣遵照撫臣之議留此水軍五百人而令劉光才妥為遣散各縣分局沿岸漁團勇丁各復舊業並批飭事竣核實報銷不准虛糜一導河復准本係應辦之事祇以時有緩急之不同費有盈絀之各別臣欽遵二月初十日聖訓飭令到任後俾諭如未興工則毋庸遽辦如已興工則立即停止臣比宣揚聖意不准興辦而各處紳商士民莫不歡欣鼓舞至於各堤岸河工仍令其及時修竣庶可略省經費亦可稍寬民力所有已用款項即令承辦各員據實造冊呈驗聽候核實報銷以上五條均係目前應辦之要務默度臣力可以辦到者仰仗聖主威福次第籌畫其餘未盡事宜容臣察看江陰吳淞後再行詳細陳奏恭候聖裁

上諭軍機大臣等覽奏已悉南洋防守事宜極關緊要昨有旨諭令會同國丞嚴密布置即著懷遵妥辦毋稍疏虞此外應辦各事並著隨時體察情形悉心規畫奏明辦理○中寅諭軍機大臣等陳湜

前在山西防河未能得力該臬司是否自知愧咎著會國基悉心察看並隨時誠勉毋任稍有貽誤所奏每月支給辦公經費銀五百兩著依議行該部知道○諭張凱嵩奏剿辦逆匪撲滅殆盡一摺上年冬間貴州雙川縣地方秀民陳錫子四與痞匪覃鴨刺頭糾黨肆擾謀為不軌經林肇元張凱嵩先後督飭參將張連順帶兵往剿迭將賊寨平毀斃匪多名並將覃鴨刺頭等生擒正法辦理尙爲妥速惟陳錫子四現尙在逃亟應認真搜捕以淨根株著令該參將嚴拿務獲毋任漏網所有剿匪出力之參將張連順著免補參將以副將儘先補用並賞加總兵銜以示鼓勵其餘出力員弁紳團及傷亡人等著該撫查明奏請獎卹○丁巳張之洞奏直接准綏遠城將軍盟紳歸化城副都統奎英來咨具奏土默特界內歸化五屬寄居編籍勢必占礙該旗游牧擬請各屬體制復舊勿編民籍一摺鈔奏咨會到臣當即飛飭布政使奎斌歸綏道阿克達春詳切查覆去後茲據奎斌稟稱遵查七屬議編戶籍原以種地客民生齒日繁故就邊外原有民人編戶立籍原有田地清畝立冊既非招內地之民添移邊外亦非使邊外之民另占蒙地沾其根柢定其法制將來增丁減口有籍可稽奪地逃籍有冊可考可以請奸宄可以禁侵占不使如前之漫無稽查於游牧何礙前請編查戶籍實與該將軍等所引雍正十二年理藩院奏准設立牌甲之意正相符合今該旗以民蒙雜居則相安編籍則有礙豈雜居足以禁侵占盜竄一經編籍反

無以禁之如此持論誠不可以理測窺其不願之隱所謂慌懼者非懼客民占其地實懼蒙官失其權耳  
從前歸化等五廳蒙民交涉命盜重案及有關徒罪以上之案例有土默特蒙員會審尋常詞訟向歸廳  
員自理並無會審明文近來無論地土錢債細故一經在廳涉訟蒙古卽赴副都統衙門具呈該衙門不  
問事之大小卽委蒙員會審其興訟也多係典刑奪熟逐佃增租有利則徇徇無利則驅逐恣意營私已  
非一日今知改設廳制恐難施其故智此不願之在蒙員者也各處副都統於地方事例不干預而歸化  
五廳向有交涉事件儼然盡屬管轄遇有商民事務副都統亦出示曉諭一經改制慮失撻越之權此又  
不便之在副都統者也軍興以後五方游民雜處其間強悍漸形土客混淆殊非所宜目前編籍清賦實  
足綏邊弭患乃庸常淺識見不及此上下膠執殊難理解該藩司去歲奉檄查邊悉心體察各屬編查戶  
籍係屬地方要政且與土默特蒙古毫無妨礙該蒙百安居自適初不知改設爲何事焉有無故慌懼之  
理此不過無知蒙員造言生事意在阻撓今將慌懼實非出自蒙情編籍不致有礙游牧各情形查明稟  
覆等語又據阿克達春稟稱查歸化廳之在土默特地面與直隸張獨多等廳之在察哈爾地面情形稍  
有不同者察哈爾蒙古在本朝已編隸八旗而土默特蒙古自命外藩欲私分土故邊制更難於措手  
溯查土默特蒙部明季時實已爲察哈爾林丹漢所襲滅其部人或役屬於察罕或逃匿於他處我朝

天聰年間大軍征破察哈爾進師歸化歸化城林丹漢由歸化城西遁土默特頭目等始得集衆投誠我朝興滅繼絕令其仍居土默特游牧復其前明順義王封爵未幾該蠻人有與明邊將通謀欲邀截大兵歸路遂執其王削其爵因分土默特爲兩翼而以投誠兩頭目世襲二都統分統之嗣後裁併爲一副都統又改爲山京 簡放當土默特投誠時地已非其所有而該參領等尙謂帶地投誠一若不知其地爲我 朝賞還之地觀其所耕我 朝定鼎分界邊牆各守各土不容越占等語殊有乖於普天土土之義至其所處民人一編戶籍卽成土著必致占蒙古之牧地礙蒙古之生計則有必不然者查土默特部附近邊內其服食起居竟與內地民人無異漸至宿寇成性有地而不習耕芸無畜而難爲孳牧惟賴民租和其地被縱有糧可食有租可用故現在該蒙古以耕牧爲生者十之二三藉租課爲生者十之七八至該旗所謂游牧地戶口地者自康熙年間以來久已陸續租給民人以田以宅二百年於茲矣該民人等久已長其子孫成其村落各屬民戶何止煙火萬家此等寄民卽不編籍亦成土著歷年既久寄民漸多迨同治年間因陝甘回氛不靖口外剿防喫緊各軍有在此駐紮者有由此經過者迄今遺勇尙多在雍正年間寄民尙少之時僅止設立牌甲已足稽查邊氓而近來寄民之久居者益多若僅設立牌甲而不爲編定戶籍則人無定名籍無定戶土客混淆而莫辨賦役散亂而難稽欲施治理誠難措手現定編

籍章程亦無非詳各屬原有之民人查明戶口編之冊籍且所編既名爲戶籍則籍內亦只編戶口本與地土不相關涉況蒙地例准民和不准民買民人雖編定戶籍地土則仍屬蒙古嗣後蒙古所留爲牧廠者蒙古若不租給民人民人焉能占及牧地且民之編戶籍亦與蒙古之比丁冊無異蒙古比丁有年初不聞生齒日繁將民人擠回口裏民人編籍以後亦何至人稠地窄將蒙古擠往後山況邊外寄民若不編定戶籍則現在者既漫無稽考未來者更漫無限制不但有人滿之患且恐盜賊竊發蒙民械鬪野皆由此而起若一編戶籍良民之有業者方能編收入籍游民之無籍者亦即可驅逐出境并將來寄民定有入籍年分則續來者亦有限制庶客民不至積集蒙地亦無慮鳩居而且戶籍既編則客土分而良莠易別盜賊息而蒙民皆安乃反謂不編籍則雜居尙可相安一編籍則鬪旗無不惶懼此理誠不可解至於寄籍之戶或有滋事之人輒則查明遞回管束重則徒流軍遣國有常刑當不慮滋事雖逐一登天府之版圖卽成莠民之淵藪也至沿邊外縣如哲省之保德河曲偏關等縣亦皆有會審蒙民交涉事件該州縣不但印文內並無管理蒙古字樣卽官衙亦未必有加理事衙明文然蒙古不能不服其訊斷者以國家自有成例也況我朝制度凡理事官員皆能管旗民蒙民各交涉事件並不在乎印文內有無管理旗蒙古字樣卽如綏遠將軍印文並無管轄駐防旗人字樣臨化城副都統印文亦無管轄土默



特蒙古字樣若必管轄事件逐一鋪入印章恐數寸篆文殊難一一賅載矣總之臚員雖改撫民印文雖經改鑄而撫民同通仍請加有理理事銜業經奏明在案該蒙古若恪遵 朝廷定制 皇上諭旨交涉事件斷不難於辦理等情先後稟覆請奏前來 臣查口外七屬因歷年吏治不修邊政廢弛深恐叢匪侵擾蒙民不能綏綏是以奏請改爲撫民同通奉 旨允准後復飭藩臬兩司歸綏屬平兩道籌議未盡事宜因阿克達春久任塞外熟悉邊情特飭該道詳擬條目該藩司親往體察奎斌周歷回省後據稱目前改革整飭衆情怡然欣望治 臣覆加察核兼考諸歷任邊外各員始行陳列十二條於上年九月二十九日奏請 敕議施行茲聞盟紳等摺奏實深駭異查戶籍三等之外里甲不具保結者即行驅逐遞籍並議編造牌冊分別以劣此 臣原奏之第五條也清界限查蒙情使蒙無失牧之憂此 臣原奏之第六條也 臣仰體 朝廷一視同仁之義綏邊輯患之規現在辦法皆民蒙兩益之事編籍一條正是原本雍正年間奏准設立牌甲稽察辦理既非遷內地流民以實邊方亦非使現有客民另占蒙地夫大青山以南歸化城以東以西延斜數千里西漢元朔以來久爲郡縣卽定襄雲中五原三郡之境況以 國家休養生聚二百餘年士農工商數十萬戶斷無驅遣口內之理著籍與否於蒙古生計何干若如所奏則是土客淆雜轉可相安法制井然反生疑慮 臣愚思之豈所未解竊惟遼瀋以北吉林以東及 聖朝龍興

豐鎬之地今皆編有民籍成冊舊庶學校萃萃豈土默特一區便應自爲風氣至摺尾請體制復舊一條  
尤近支蔓考七屬規制 祖 宗以來屢有變通無非因時制宜日臻美備土默特初設蒙古世襲副都  
統繼改爲由京 簡放副都統並設常駐將軍七屬初設協理筆帖式繼改爲通判繼又或改爲同知繼  
又增設副綏道若必復舊而後可然則將盡罷將軍副都統一切文武各官仍復世襲副都統蒙部乃能  
安居乎茲據奎斌阿克達春先後查明稟遵各節其爲明晰淺顯總之因編戶籍而侵奪牧產實無此理  
因改撫民而蒙民慌懼實無其事相應據實奏陳得 旨前據奎斌等奏業經戶部議覆仍著該撫等妥  
商具奏該部知道○戊午大祀 天於 闕丘遣魁斌恭代行禮○諭軍機大臣等法人在津與李鴻章  
講解略有端倪雲南廣西防軍著岑毓英潘鼎新督飭扼紮原處進止機宜聽候諭旨仍隨時偵探備  
毋稍疏懈○諭通政使司通政使吳大澂著會辦北洋事宜內閣學士陳寶琛著會辦南洋事宜翰林院  
侍講學士張佩綸著會辦福建海疆事宜均准其專摺奏事○諭卞寶第等奏故員虧短倉穀請飭追繳  
一摺已故湖北襄陽府知府恩聯前在任內虧短倉穀三千三百餘石該家屬並不如數賠繳擅自回旗  
實屬藐玩著饒汝旗滿洲都統飭令該故員家屬迅將虧短倉穀折價完繳解交湖北買補還倉如逾限  
不完或完不足數卽行查抄家產備抵以重倉儲○己未李鴻章電致總理各國事務衙門頃福祿壽送

閱該外部電覆譯云奉國旨予汝全權無須利至即可與李大臣押定本日復由電寄到簡明條款全文  
惟李大臣須奏有中國 朝廷全權憑據亦須與言明按照本國體制應由議院批准外部大臣費理押  
云云是福曾已派全權外部已經覆准鴻十三兩件諒蒙進呈據福稱彼不能改易一語無可再商此爲  
止兵之約不得不速將來另議商界事宜方可從容議辦務求代奏 上諭詳加披閱均尙無傷國體事  
可允行該大臣即照所擬辦理嗣後詳細條目務當悉心籌畫毋滋流弊○諭軍機大臣等雲南廣西官  
軍駐紮越南地方該處係煙瘴之鄉現交夏令軍士荷戈遠役往來於炎風暑雨深宮座念宵旰殷懷著  
發去御製平安丹各十匣交岑毓英潘鼎新傳旨分賞各營俾除瘴癘該督撫並當盡心拊循用副體恤  
行間至意將此由六百里各諭令知之○諭本年查閱雲南營伍著派張凱嵩逐一查閱認真簡校如有  
訓練不精軍實不齊者即將廢弛之將弁據實參奏毋得視為具文○以體格爲廣州將軍以謙禮爲熱  
河都統以文緒爲黑龍江將軍○庚申諭御史吳煦奏編修王源及朱一新等呈遞章奏掌院學士有意  
阻遏一摺著靈桂明白回奏○辛酉全權大臣李鴻章與法國水師總兵福祿諾議訂簡明條款成其文  
曰第一款 中國南界毗連北圻法國約明無論遇何機會並或有他人侵犯事情均應保全護助  
第二款 中國南界既經法國與以實在憑據不虞有侵佔滋擾之事中國約明將所駐北圻各防營即

行調回邊界并於法越所有已定與未定各條約均置不理 第三款 法國既感中國咨商之意並敬

李大臣力顧大局之誠情願不向中國索償賠費中國亦宜許以毗連越南北圻之邊界所有法越與內地各物應憑運銷並約明日後另遣使臣議定詳細商酌稅則務須格外和衷期於法國商務極為有益

第四款 法國約將來與越南議改條約之內決不插入傷礙中國威望體面字樣並將以前與越南

所立各條約開礙東京者盡行銷廢 第五款 此約既經彼此簽押兩國即派全權大臣限三月後悉

照以上所定各節會議詳細條款再此約繕寫中法文各兩分在天津簽押蓋印各執一分為據應按公

法通例以法文為正○李鴻章奏欽奉光緒十年四月初十日 上諭目前最要者約有數端越南世修

職貢為我藩屬斷不能因與法人立約致更成憲必與切實辨明通商一節若在越南地面互市尚無不

可如欲深入雲南內地處處通行將來流弊必多亟應預為杜絕劉永福黑旗一軍屢挫法兵為彼所深

恨若志驅除自在意中豈可遂其所欲此次法人侵佔越南畔自彼開我無失和之意若再索償兵費不

特情理所 無亦與各國公法顯背以上各節均與大局極有關繫李鴻章肩此重任宜如何竭力圖維

預籌辨論等因欽此仰蒙 聖明指授機宜 訓誡精切感悚莫名又欽奉四月十四日 諭旨鈔示廷

臣議覆各摺令 等迅速覆奏等因法國水師總兵福祿諾到京於十二日來見所有辦理各節及與商

訂簡明條款臣因繕摺覆陳不及先詳細函致總理各國事務衙門請其恭代進呈 御覽十五夜接准該衙門電稱奉 旨詳加披閱均尚無傷國體事可允行該大臣即照所擬辦理嗣後詳細條目務當悉心籌畫毋滋流弊欽此先是福祿諾與臣議定條款即電請外部示遵十五日午刻該總兵接其外部大臣費理是日辰時覆電云奉國行予汝全權無須提督利士比來京汝即與李大臣押定等語彼以條款已就無可改易疊催畫押定議適臣亦欽奉電 旨准照所擬辦理復將原擬五條逐加討論酌改前後款式重按照洋文約款內字句略有增損之處與福祿諾詳確核定繕寫成帙遂於十七日申時齊集臣行館校對中法文義無訛同畫押蓋印各執一本為據謹將約本封送軍機處備查仍照錄清摺恭呈 聖核竊維法越之事自光緒七年以後曾紀澤典法外部沙美拉百費理等總理衙門暨 中與法使寶海脫利古等往復辨論案卷盈帙均無成議意變愈壞迨山西北甯失陷法饒大張越南臣民望風降順事勢已無可為和局幾不能保茲幸 聖明德威遠被由法人自請講解其如願望未嘗不奢要求未嘗不力經臣反覆辨折迎機勸導彼亦漸就範圍如 諭旨所云職貢一節今約內第四款法國約明現與越南議改條約決不插入傷礙中國威望體面字樣並將以前與越南所立各條關涉東京者盡行銷廢蓋因臣指明法越甲戌約內不論何國皆無統屬去年新約有 大清國不得預及南國之政等語顯與中

國屬藩體制有礙必須刪改據福祿諸面稱已電告外部分現任越南改約之巴德諾照議刪除彼雖不明認爲我屬邦但無此等違悖語意越南豈敢藉詞苛畔耶又諭旨所云通商一節今約內第三款許以毗連北圻邊界法越與內地貨物聽憑運銷並約明日後另遣使臣議定詳細商約稅則其云北圻邊界必不准深入雲南內地明矣查向來紅江上游中外商人運銷貨物出入滇境往來不絕本未苛禁將來互市自可在北圻邊界擇要設關收稅安立章程似覺無甚流弊又諭旨所云兵費宜拒一節該國上下處心積慮本欲訛索兵費六百萬磅即各國新報私議皆爲是言臣預屬稅務司德瑾琳道員馬建忠等多方開導復當面嚴詞厲色力與駁斥今約內載明情願不向中國索償尙屬恭順得體足以風示各國中國許以北圻邊界運銷貨物爲有益法國商務俾該外部得有詞以謝議紳亦爲中法和好互讓之據至劉永福黑旗一軍從前乘法兵單寡之時屢殘法將法人恨之必欲報復上年曾紀澤遠與該外部商論由中國設法解散約束而法廷添兵攻取意不稍回去冬克山西黑旗精銳受傷甚多已受大創今春劉永福募四千人援北甯亦不戰而潰其禦大敵何怯也華人專探虛聲竄欲倚以制法法人固深知其無能爲役此次福祿諸絕未提及我自不便深論將來該國另派使臣若議及此當由岑毓英潘鼎新酌定安置之法惟目下和議已成法人必無翻復法兵必漸減撤滇桂邊防各軍亦宜及早切實整頓

凡不得力之勇營應逐漸裁汰無用而留有用聞劉永福所部冗雜騷擾與越民爲仇實爲邊境後患  
擬請 旨密飭雲南廣西督撫臣嚴明約束酌加裁汰豫籌安置妥策俾無生事滋擾則保全者多矣批  
福祿諾云此約專欲消釋中法將開之衅端爲救急止兵起見其餘詳細節目應俟該國別派大臣前來  
會商該外部初次電覆此約應由議院批准本日續電又云押定條約無須議院覆核福祿諾均經呈閱  
是兩國既皆定議以後商界事宜儘可從容籌度此皆山 皇太后 皇上宵旰焦勞柔懷大度於以感  
召遠人効忠孚信前後在事諸王大臣等和衷匡弼贊襄大計得以定艱危於俄頃使數年來法越輟戰  
不定之議得一結束之方從此保境息民練兵簡器徐圖自強天下幸甚微臣躬親是役懷懷焉若朽索  
之馭六馬迭經局外責望 聖諭提撕惟以不克仰副 明詔是懼今雖妥速成議非初料所能及其有  
思慮所不到力量所不及之處尙祈 曲鑒愚誠勿爲浮議所惑庶法越之事由此而定中外邦交從此  
益固矣報聞○諭靈桂奏遵旨明白回奏一摺據稱各衙門代遞封章皆由堂官公同閱看必無違悖字  
句方准代遞編修王澐摺件於十四日交閱即於十六日代遞其編修朱一新等之摺因摺內語涉激烈  
令其妥爲斟酌再行代遞並非有意阻遏等語吳崑所奏即著毋庸置議○屠仁守奏湖北錢糧積弊自  
咸豐年間故撫臣胡林翼革除冗費奏定章程刊碑勒石垂諸久遠江漢之民感戴 皇仁莫不歡欣鼓

舞乃官吏日久生玩夙弊潛滋其爲害民間最甚者有二一曰催役一曰催書催役者皆以錢買或窩缺開徵之時揭票下鄉向糧戶催收酒食供給外每票勒索錢數百文甚者數千文稍不遂意輒以抗糧報官鄉民畏懼不得不飽其慾望求免拖累獲利既豐其勢愈橫催書經收錢糧鄉民數十里或百餘里赴城投納悉聽憑書核算溢額取盈米則零升直以斗計銀則數錢竟作兩論有所謂搬腳之費有所謂票號之費任意浮收無敢致詰復不當時給票鄉民羈候恆誤農業或且終不得票被催重納有此兩害是故三農憔悴百室怨咨剝肉醫瘡無所控告 朝廷有輕賦之名州縣有重斂之實良法美意壞於奸胥森役而莫之省臣竊傷之查定例有輪催之法簡固里甲以滾單分限遞催未嘗任催役魚肉小民也有三聯印票以給納戶徵信未嘗許橫書勒指小民也今當詳稽定例貴州縣實力奉行尤要在預給易知由單按照糧戶冊名依定章核算載明納錢若干徵收之時納戶持單照數投櫃換給印票倘催書任意刁難准納戶即時稟訴州縣袒庇不即懲治者上司隨時訪察嚴行參辦聞雲夢應城等縣有行由單者他縣則惡其害已率爲糧書阻格非嚴定處分以整齊畫一之不可至若不在里甲濫設催役必當永遠禁革違者治罪如此則 皇恩得以下逮民困可望稍蘇 深仁厚澤燕及癸癸莫切乎是 上諭御史屠仁守奏湖北錢糧積弊自咸豐年間革除冗費奏定章程近年夙弊漸滋開徵時催役揭票下鄉催收



每票勒索錢數百文甚至數千文概書經收錢糧核算溢額取巧並有搬騙票號等費任意浮收又不當時給票以致鄉民覬候甚或被催重納爲害最甚等語錢糧正供徵納悉有定則豈容奸胥竄役藉端擾累該御史所陳各弊亟應嚴行禁革著湖廣總督湖北巡撫飭令各州縣查明定例按戶預給易知山單核算明晰納戶持單投櫃換票不准濫設催役名目概書如有刁難情事准其稟訴懲治倘州縣意存袒庇卽著嚴行參辦至前項各弊端他省恐亦不免並著各該督撫一體查明禁革以副軫念民艱至意○頒給廣西雜客縣城隍廟匾額○甲子前任雲南提督胡中和卒賜卹如例○乙丑上詣大高殿祈雨○諭衛榮光特參在籍道員虧倒鉅款請旨革職追究一摺據福建候補道劉翌宸會審鹽法道纂務同治初年回籍歷在江陰丹陽溧陽江甯揚州等府縣開設典鋪二十餘處均係他人存項又在各典私用匯票數十萬金於本年二月間倒閉共虧欠八十一萬有奇內有公款五萬餘金等語奸商湊集資本開設典鋪稍一虧耗卽將餘資席卷逃匿甚有並未虧耗意圖侵吞紛紛倒閉似此情同誑騙敗壞市風亟應從嚴懲辦福建候補道劉翌宸著先行革職交衛榮光查明該革員資財房產有無寄頓隱匿勒提到案嚴行追究分別抵償以示儆戒○丙寅諭雲南昭通鎮總兵何雄輝著發往廣東軍營交彭玉麟差遣委用○諭前據岑毓英奏請全師撤回扼守要隘等語該督未候諭旨輒卽退紮節司殊屬不

合機宜岑毓英著交部議處○岑毓英奏臣於光緒十年二月二十九日曾將太原不守興化缺糧越事  
萬難補救請 旨退守邊境各情恭摺具奏在案 臣拜摺後即飭道員岑毓英總兵丁槐馬桂等激勵各  
營嚴密守禦 臣親帶記名提督吳永安等馳赴緬匪布置防守並督飭南官黃佐炎等由三猛籌辦糧米  
運供軍食無如該南官等各存異心均已逃避前派員由緬匪開挖山路竭半月之力只開通三站不能  
直抵三猛且乏人煙挽運不易而滇省度支入不敷出餉項更屬艱難早邀 聖明洞鑒正籌畫間據駐  
防宣光副將陳安邦稟法人教匪由太原竄逼宣光欲繞出清波夏和抄襲官軍後路等情查清波夏和  
教匪甚多北寧未失以前尙旬結滋擾北寧失後愈肆猖獗 臣據報之下即到家喻關督飭清波夏和各  
防營嚴加防備惟興化糧臺截至前月底僅有半月存糧業經奏報在案半月來因南官逃避無處催運  
且言語不通糧已罄盡萬難支持劉永福所部十二營除由滇按月助銀五千兩外其不收之餉皆仰賴  
粵省山 恩賞銀十萬兩內發給開支一月以來道路梗阻不能請領軍心渙散 臣伏查越南腹地各省  
俱爲法人占踞卽株守興化小城亦屬無補於大局況糧米已盡轉瞬江水漲發敵人輪船抄出清波夏  
和糧斷援絕更屬可慮 臣與撫 臣唐炯往返函商均以全軍爲上意見相同本應候 旨遵行因遠在外  
域奏摺往返必須五十餘日事機危迫萬難守候 臣即飭各將領將軍火軍裝先行運回再將興化營盤

城樓毀平於本月十二三四等日陸續拔回現已齊抵鎮安縣館司關稍爲休息查點軍裝病卒但無遺失卽到保勝分紮古林箐白馬關新街蒿枝地變耗署頭新安所等處扼要駐防劉永福所部各營亦退紮大灘保勝一帶擬將新募未到各營一概截止並將防各軍酌量裁併新募只挑留七五百人分守各要隘兵少則糧餉較易籌畫既可兼顧內地又免徒傷精銳似屬穩當至宣光一面僅有副將陳安邦參將趙偉帶勇駐防自北寧太原失守後勢甚孤危臣與廣西撫臣徐延旭音問不通者一月有餘不識粵軍現紮何處臣已飭陳安邦等退守河陽一帶並飭開化鎮總兵蔡標挑派三營前往協同固守以免疎虞 上諭軍機大臣等岑毓英奏官軍糧盡勢孤現已退守邊境並酌裁勇營一摺覽奏均悉越事萬難補救而我軍糧盡勢孤全師而返固與退縮者有間惟難經奏明並未奉旨究有應得之咎本日已明降諭旨岑毓英交部議處以示薄懲現在法國使臣已到大津與李鴻章講解已有成議惟條目尚未議定事變殊難預度越南地方未靖尤易橫生枝節各路防軍斷不可因有可和之機稍形鬆懈仍著岑毓英嚴督各營擇要駐紮認真操練以備不虞至進止機宜仍遵前旨候諭遵行所有裁併勇營著照所議辦理務須汰弱留強以資得力劉永福一軍前經打仗著續不無微勞此時該軍退紮大灘保勝一帶著該督妥爲拊循並詳察該軍現在勇數若干若何安置之處妥籌具奏聞法人有僱募廣東人爲

兵勇者廣東有此恐雲南亦所不免著岑毓英飭屬不動聲色設法禁止是爲至要將此由六百里密諭知之○左宗棠奏臣欽奉光緒九年十一月二十八日 上諭王德榜一軍等因欽此經臣分飭籌撥去後茲據籌防局查明上海機器局十二三磅後膛開花礮撥發無存擬撥林明效中鎗洋鎗一千桿配藥彈二十萬顆金陵軍械所亦無十二三磅礮位亦擬撥林明效中鎗洋鎗一千桿配藥彈二十萬顆已批飭照撥並墊發川資銀一千五百兩委派補用游擊周啟發山甯川兵船運鄂解赴雲貴總督臣岑毓英行營以應急需臣部知之○丁卯諭陳寶琛奏按試江西上饒縣武童步射之日突有大陽武生糾眾毆毆推倒箭靶當經該學政督飭員弁立將首犯汪鎮波緝獲供認不諱等語各學應試生童宜如何恪守場規各安本分乃敢恃眾鬧考希圖挾制此風斷不可長亟應從嚴懲辦以儆刁風著潘蔚督同臬司即將此案確切研訊按律定擬具奏此等弊端擬奏不獨上饒一縣爲然嗣後著該學政督飭各該學官屬保隨時嚴加約束並著該撫飭屬遇有生童藉端滋擾卽行嚴拿究辦○諭御史鄭訓承奏調緩恩旨地方官任意延擱請飭嚴定贖資限用一摺著戶部歸入御史程鼎芬前奏調免錢糧勘報停徵摺片內一併妥議具奏○諭順天府奏賑米陸續用竣懇恩加撥一摺前因京城及順大各屬賑糶孔殷業經賞給京倉米石分別賑濟現在麥秋收割尙早小民生計仍艱著再加恩賞給京倉粟米一萬五千石

通倉粟米五千石以資接濟○徐樹銘奏河兵積土以防險鋪夫守鋪以協防歷查成案無異自近年餉項不充兵多缺額鋪夫之給地畝者或水衝沙壓或旱潦不收於是河員孫國培牽引協防大汛之條河道李朝儀試行卹夫交土之令又以窮民無力令紳給僱夫折錢於是汛員百總概之於沿河出之以殘虐變本加厲十有二年水旱頻仍民情怨鬱前因狼營蘆城等卹民呼訴前來經臣於本年三月初四日以永定河卹民窮困請將河工酌用民力章程停止奏明在案連旬以來復據涿州良鄉固安永清等處之丁家莊等四十五卹梁卹等十九卹孝城等二十六卹王居卹等二十二卹共一百一十二卹莊三百數十人前後奔赴哭訴糾羣呈稱民苦萬分雖支交土之事一日不除卹民一日不安籲求辦理等因臣當經將該卹民等加意卹循飭令回籍仍飭屬各司巡撫酌留耆老數人聽候傳訊臣查前任河道李朝儀原議每里一鋪每鋪五人上堤交土五日更換九十日之後准其下堤是農忙之際每鋪九十人全河四百三十里役使耕農至三萬八千餘名之多宜其憊然不靖控案繁繁既而改令方春二月上堤交土卹民均派充當每鋪五人逐日更替於是全河需用之卹民約一十八萬數千人老幼廢疾肩挑戶販無一釋免而良鄉之長新店永清之信安鎮等處十一卹霸州之策城等處三卹東安之緒河港均稟明奉文折銀折銷解交道庫於今數年矣督臣李鴻章於同治九年十二月奏明倘有包折等弊該道查辦嚴

參載在永定河志今以鄉等處折價如此顯與奏明章程不符河員及地方官既已奉行不力無怪河兵之極意橫暴虐使無辜至於此極 國朝愛育斯民無微不至而河員創行苛政地方官依違附和不加審量視爲定例毒害民生有傷政體 臣每一念及不勝悲憤急宜改弦易轍以蘇民困而重要工查河身既高不能不去淤以洩水河槽日淺不能不加土以增堤就沿河設夫一千六百五十人計之不過需土七萬四千餘方而已若照歲挑中洪例價計之不過需銀七百餘兩辦理誠恐不敷酌中定價以民價每方銀七分計之不過五千一百餘兩而已永定河歲領修防經費九萬四千餘兩已於同治十二年議復原額確有指款毫無折扣不得謂之經費不敷且所謂修防者卽謂去河中之積土因以爲防險之資也有此鉅款自當實用實銷而必虐取之斯民以遂其貪酷之計亦何忍而爲此李朝儀試行之始謂可薄收小效不知流弊如此之甚是宜急爲禁革者也顧欲正其失必先塞其源果能實餉實兵毋令缺乏實工實土毋令假藉則額兵應挑之土既已有餘光緒三年三月河道李朝儀詳請於額領工需之外再撥銀四千兩多爲購覓成土堆儲要工以資抵禦經督臣李鴻章批准歲加銀四千兩在盤金項下撥給又河淤地畝五百九十餘頃每畝徵銀三分歲徵銀一千八百餘兩及蘆課等項解儲道庫聽候撥用此皆河工自有之款也合之加撥盤金之數以之購土已無不足又向來河工領款減平六分亦有請免扣平

成案今歲額九萬數千計此扣平一款若荷 特旨免其扣平可得五千六百餘兩亦屬河工應有之款擬將加撥釐金地租釐課扣平數款定爲永遠僱夫增土之款兼爲以工代賑之課即使時價倍增亦屬有贏無絀要工益增完固民情咸浪怨咨而河道試行卹民交土之令可以永遠革除矣上年雨水爲災民力異常困瘁仰蒙 聖明洞鑒交土之弊 前摺奏明仰懇 恩旨豁免而羣衆望澤之殷惟恐下情之未能上達加以河員其日狃於積習危言恐嚇詭計督催使百數十里之外連州跨縣不惜扶老攜幼怨聲哀訴咨來紛至者有百數十卹莊之多揆其危苦之情大抵難安旦夕可否請 旨將上年沿河被水卹莊交土之令先行停止 明降諭旨宣示 德意定億萬衆危疑震撼之情靖河目等跋扈擴張之氣不勝至幸至購土所需取之河工自石之款似屬簡便易行如蒙 俞允應請 飭令直隸總督臣遵照施行毋庸另行籌畫輾轉需時反滋擾累 畿輔根本所基民心 國脈所繫一夫不得其所猶塵宵旰之憂萬衆日瀕於危乃無呼籲之路雖總督事件煩多未能專心河務究其利病而事經百數十卹莊控訴其爲擾民害政可知苛吏悍兵亦當懲儆以免效尤而除毒害除將涿州等處卹民指控折交鋪錢之汛官余昌壽孫國培等五名外委吏方之張天泰等七名把總李士元兵目王三等十三名及過付天增布鋪同盛號葉咨直隸督臣李鴻章順天府尹 周家相分別參辦外事關員弁兵目擾害閭閻刻

無停畧不敢適於上聞 上諭前據太常寺卿徐樹銘奏永定沿河被水卹民請暫停河工酌用民力  
章程一摺當諭令李鴻章妥爲籌辦茲復據該京卿奏稱卹民交土流弊已極節經涿州良鄉固安永清  
等處之丁家莊等十五卹梨卹等十九卹孝城等二十六卹王居卹等二十二卹卹民呈訴並聞良鄉之  
長新店永清之信安鎮霸州之策城東安之稍河港等處有折價交土情弊請飭以河工自有之款作爲  
雇夫挑土之費等語永定河一帶被水災民異常困苦豈容稍有苛派所有河工令民交土章程卽行停  
止所稱購土經費仍取之河工自有之款一節著李鴻章妥籌辦理汛官余昌壽孫國培等既據稱有折  
價擾民情事卽著李鴻章並道周家相查明從嚴參辦○戊辰李鴻章奏臣前奏設立津滬及浙閩粵  
陸路電綫又自津至通州陸綫左宗棠張樹聲亦請展辦長江至漢口廣州至龍州電綫分別官款商股  
辦理均奉 旨允准遵行在案誠以電報呼應捷速雖隔萬里若在戶庭有裨軍國要政爲目前當務之  
急成效已昭然可見茲查津沽北塘至蘆臺樂亭昌黎山海關經營口直達旅順俱係北洋沿海扼要之  
區已分駐水陸各軍妥籌防守惟距津道途遙遠軍情瞬息變易非有電報無以速傳遞而赴事機但陸  
路二千餘里設綫經費約需銀十餘萬兩僅營口一處略有商報其餘皆係軍報商股既不能招徠北洋  
亦難籌巨款只可擇要經營復查北塘至山海關一帶爲畿東門戶值此海防喫緊布置尤關重要必須



先其所急迅速辦成庶應急禦禦各路防軍消息靈通頃刻之間可以互相問答調度機宜不致遲誤實爲海防經久之規天津大沽北塘前山官設綫今應自北塘至山海關依沿海徑路接添當卽派員勘定計程四百餘里暫設單綫一條過河之處購用水綫估需銀三萬餘兩短期截事已飭洋海關道周馥電報局道員盛宣懷朱格仁採購物料督飭員匠興工趕辦並將沿途應設局棧巡房妥爲布置此路並無商報應仿照西洋關係國家政務綫由官造之例及廣西梧州至龍州成案卽由官辦現在設綫用款自天津至山海關常年局用巡電修理各費均於北洋海防經費項下核實動撥另有分晰案報銷並飭地方文武隨時認真照料保護勿任損壞得旨如所議行○己巳諭給事府代遞左中允崔國因奏度支日絀請實事求是力挽積習一摺所陳各條不爲無見著戶部核議具奏○以志元爲都察院左副都御史○諭劉錦棠奏道員立功後積勞病故懇恩優卹並請將戰績事實宣付史館一摺著甘肅阿克蘇道羅長祜隨同劉錦棠辦理新疆軍務決策制勝所向有功應辦善後事宜亦能盡心圖畫深資得力茲以積勞病故著加恩交部從優議卹並將該故員戰績事實宣付史館以彰勞勩至建立專祠前經降旨不准擬行奏請劉錦棠所請於新疆阿克蘇地方建立羅長祜專祠之處著不准行○壬申諭張樹聲奏因病籲懇開缺專治軍事一摺據稱該督患病未痊兩廣事繁任重現在辦理防務恐難兼

顧等語張樹聲著准開兩廣總督之缺仍著督率所部辦理廣東防務兩廣總督著張之洞署理張樹聲俟張之洞到任後再行交卸總督職務山西巡撫著奎斌暫行署理○是月德意志國使臣巴蘭德回任○義大利國使臣盧暖回任改名盧嘉德